

左傳

卷八至卷十



莊公

諸暨圖書館
ZHUJI LIBRARY

諸暨圖書館

ZHUJI LIBRARY

00034

朱登圖書藏
ZHUJITIBRARY



48000

諸暨圖書館
ZHUJI LIBRARY

諸暨圖書館
— ZHUJI LIBRARY —

10000


諸暨圖書館
— ZHUJI LIBRARY —

諸暨圖書館

春秋左傳註疏卷第八

莊九年

晉杜氏

唐孔穎達疏

晉杜氏

莊公

陸曰莊公名同桓公子母

正義曰魯世家云莊公名

同桓公之子文姜所生即桓六年子同生者也

以莊王四年即位諡法勝敵克壯曰莊是歲歲

經元年春王正月

元年春王正月○正義曰此月無事而空書月者莊雖不即君位而

亦改元朝廟與民更始史書其事見此月公宜即位而父弑母出不忍即位故空書其文閱僖亦然

三月夫人孫于齊

夫人莊公母也魯人責之故出奔

內諱奔謂之孫猶孫讓而去

○孫本亦作遜音同註及傳同

莊夫

公母至而去○正義曰夫人孫意傳文不明故云魯

人責之蓋責其訴公於齊侯而使公見殺故慙懼而

出奔也公羊傳曰孫者何孫猶孫也內諱奔謂之孫

穀梁傳曰孫之為言猶孫也諱奔也杜用彼為說昔

帝堯孫位以讓虞舜故假彼美事而為之名猶孫讓

而去釋例曰使若不為臣子所逐自孫位而去者

夏單伯送王姬

無傳單伯天子卿也單采地伯爵也

王將嫁女于齊既命魯為主故單伯送女不稱使也

王姬不稱字以王為尊且別於內女也天子嫁女於

諸侯使同姓諸侯主之不親昏尊卑不敵

○單音善采七代反

別彼

單伯至不敵

○正義曰檢經上下公卿書

列反

爵大夫書字單伯書爵故為卿也單者天子

畿內地名人君賜臣以邑令采取賦稅謂之采地禮
運曰諸侯有國以處其子孫大夫有采以處其子孫
是謂食邑爲采地單氏世仕王朝此及文公之世皆
云單伯成公以下當稱單子知伯子皆爵也此時稱
伯後降爲子耳又解不稱王使之意王於時將遣魯
主昏必先有命豈得未嘗命魯徑送女來故知王已
命魯爲主魯已承受王命單伯送女付魯而已不復
重宣王命故不稱使也十一年王姬不云王使送者
爲送者微也以姬繫王不稱女字以王爲尊故繫之
於王且以別於內女內女則以字配姓謂之伯姬是
也公羊傳曰使我主之曷爲使我主之天子嫁女乎
諸侯必使諸侯同姓者主之諸侯嫁女于大夫必使
大夫同姓者主之所以然者昏之行禮必賓主相敵
天子於諸侯諸侯於大夫不親昏者尊卑不敵故也
二王之後雖王所賓客示崇先代而已不得卽與王
敵嫁於二王之後亦使諸侯主之秦漢以來使三公
主之呼
爲公主

秋築王姬之館于外公在諒闇慮齊侯當親迎不忍

便以禮接於廟又不敢逆王命故築舍於外○諒音梁又音

亮迎魚公在至於外○正義曰穀梁傳曰築之

敬反外變之正也仇讐之人非所以接昏姻也

衰麻非所以接弁冕也其意言公與齊為讐又身有

重服不得與齊侯為禮故築于外也左氏先儒亦用

此為說杜案傳文稱請以彭生除之齊人雖為殺彭

生心實讐齊但不敢逆王命故以諒闇為辭故築館

于外杜謂諸侯之喪既葬則衰麻除矣不得以喪服

為言也若讐不除服未釋則諸侯之國同姓多矣天

王不應強使魯侯冒斬衰接父讐與之行吉禮也以

此益明杜諒闇之言為得其實徒以昏姻吉禮行事

在廟公在諒闇之內慮齊侯當來親迎不可便以全

吉之禮接賓於廟又讐除服釋不敢逆王命辭主昏

故築舍於外使

齊侯從外迎之

冬十月乙亥陳侯林卒

無傳未同盟而赴以名東

王使榮叔來錫桓公命

無傳榮叔周大夫榮氏叔字

錫賜也追命桓公褒稱其德若昭七年王追命衛襄

之比○此必榮叔至之比○正義曰公羊傳曰

唐風無衣之篇晉人為其君請命於天子之使以無

衣為辭則王錫諸侯當有服也傳稱王賜晉惠公命

受玉情則王賜又有玉也但賜諸侯以玉者欲使執

而朝覲所以合瑞令追命桓公若追命衛襄之比止

應褒稱其德賜之策書或當有服以表尊卑不復合

瑞未必有玉也釋例曰天子錫命其詳未聞諸侯或

即位而見錫或歷年乃加錫或已薨而追錫魯桓薨

後見錫則亦衛襄之比也魯文即位見錫則亦晉惠

之厚薄觀其人之善惡知事之得失故傳不復顯言
 其是非也杜於追命衛襄之下註云命如今之哀策
 魏晉以來唯天子崩乃有哀策將葬於是遣奠讀之
 陳大行功德敎臣子哀情非此類也人臣之喪不作
 哀策良臣既卒或贈之以官褒德敎哀載之於策
 策將葬賜其家以告柩如今哀策蓋此謂也

王姬歸于齊

無傳

不書逆公不與接

不與接

不書逆公

義曰成九年伯姬歸于宋杜云宋不使卿逆非禮以
 逆者非卿故不書此云公不與接者杜意以公不與
 接雖卿亦不書也所以知者十一年齊侯來逆共姬
 而經不書故也又嫁伯姬于宋魯與宋無故此時有
 故知不與接也春秋之例送女不書者取受我而
 厚之此單伯書者為送至於魯不至於齊故也

齊師遷紀邾郟郟

無傳

齊欲滅紀故徙其三邑之民

而取其地邾在東莞臨朐縣東南郟在朱虛縣東南

北海都昌縣西有訾城

○邢蒲丁反鄧子斯反郡音吾胸其俱反訾子斯反

註

註齊欲至訾城○正義曰齊人遷此三邑非三邑之人自遷也故知齊欲滅紀故徙其三邑之民而取其地也蘇氏云直取其地不取其民故云遷不云取不言所往之處者志在去之而已非欲安存其人故與宋人遷宿文同其文異於邢遷也釋例曰邢遷于夷儀則以自遷為文宋人遷宿齊人遷陽則以宋齊為文各從彼此所遷之實記註之常辭亦非例也邢在東莞言郡部在朱虛不言郡者釋例上地名朱虛亦屬東莞使之蒙上郡

傳元年春不稱即位文姜出故也

註

文姜與桓俱行

而桓為齊所殺故不敢還莊公父弑母出故不忍行即位之禮據文姜未還故傳稱文姜出也姜於是感

公意而還不書不告廟

○父弒音弒一音如字

文姜

○正義曰

不稱即位為文姜出故也則即位之日文姜未還故

知莊公以父弒母出不忍行其即位之禮也經書三

月夫人孫于齊則是夫人來而復去故知文姜於是

感公意而還也三月以來經傳皆無夫人還事故解

之還不書不告廟釋例曰文姜之身終始七如齊再

如莒皆以淫行書行而不書反則元年之還亦不告

廟推此可知也公羊傳曰夫人固在齊矣其言孫于

齊何念母也正月以存君念母以首事穀梁傳曰接

練時錄母之變始念之也其意言文姜往年如齊至

此年三月猶尚不反三月練祭念及其母乃書其出

奔非三月始從魯去也左氏先儒皆用此說杜不然

者史之所書據實而錄未有虛書其事者也夫人若

遂不還則孫已久矣何故至是三月始言孫于齊乎

公若念及於母自可迎使來歸何以反書其孫豈莊

公召命史官使書其母孫乎又禮三年之喪期月而

練桓公以往年四月薨至今年三月未得一期何故

已得為練而云接練錄變存君念母也若以經無還
文即言留齊不反則自是以後亦無還文二年夫人
會齊侯于禚豈復自齊會之
哉以此知三月始從魯去也 ○三月夫人孫于齊不

稱姜氏絕不為親禮也 姜氏齊姓於文姜之義宜

與齊絕而復奔齊故於其奔去姜氏以示義 ○復扶
又反去

起呂 姜氏至此示義 ○正義曰文姜終始皆稱姜
反 氏唯此 文獨異故傳解其意云不稱姜氏

絕不為親言於夫人之義宜與齊絕不復為親也姜
氏者齊之姓也禮婦人在家則天父出嫁則天夫為

夫斬衰三年為兄大功九月今兄殺已夫於文姜之
義宜與齊絕姜意不與齊絕而復奔之故於其奔也

特去姜氏去姜氏者若言夫人不是齊女不姓姜氏
以示應絕之義應絕不絕所以刺文姜也傳言禮者

為夫絕兄禮之意也公羊傳曰夫人何以不稱姜氏
貶曷為貶與弒公也其與弒公奈何夫人譖公於齊

侯公曰同非吾子齊侯之子也齊侯怒使公子彭生
 擠幹而殺之穀梁傳亦云不言氏姓貶之也左氏先
 儒取二傳為說言傳稱絕不為親禮也謂莊公絕母
 不復以之為親為父絕母得禮尊父之義故曰禮也
 杜不然者釋例曰文姜與公如齊以淫見譴懼而歸
 訴於襄公襄公殺公而委罪於彭生弑公之謀姜所
 不與疑懼而自留於齊莊公感其不反以闕卽位之
 禮故姜氏自齊而還魯魯人探情以責之故復出奔
 夫子以為姜氏罪不與弑於莊公之義當以母淫於
 齊而絕其齊親內全母子之道故經不稱姜氏傳曰
 絕不為親禮也明絕之於齊也文姜稱夫人以母義
 存也哀姜外淫故孫稱姜氏明義異也觀此解之意
 夫人宜與齊絕釋例之文言莊公宜與齊絕者夫人
 猶尚宜絕莊公固宜絕矣先儒謂莊公宜與母絕杜
 意莊公宜與齊絕故偏據莊公為文所以 ○秋築王
 非舊說耳其實夫人及公俱當與齊絕也

姬之館于外為外禮也

註

齊彊魯弱又委罪於彭生

魯不能讐齊然喪制未闕故異其禮得禮之變

○未闕若

穴圖齊疆至之變○正義曰傳不直言禮而云爲

反圖外禮者築之是常未足褒美正爲築之于外是

應變之禮故解其意齊疆魯弱又委罪彭生魯既不

能讐齊雖內實深讐外若無怨旣不敢辭王命又不

欲見齊侯因其喪制未闕故異其禮爲之於外是其

得禮之變也樂息爲闕則闕訓爲息也未闕言其未

止息也王姬之館必築之者公羊傳曰主王姬者必

爲之改築於路寢則不可小寢則嫌羣公子之舍則

以卑矣其道必爲之改築者也穀梁傳曰於廟則已

尊於寢則已卑爲之築節矣鄭箴膏肓云宮廟朝廷

各有定處無所館天子之女故宜築于宮外是言須

築之意也但杜意若其內不恨齊非有喪制不須築

於城之外耳此言外者謂城之外說公羊穀梁者亦

以爲城外然王姬來嫁必須築館所以十一年王姬

不築館者或因其舊

館或築而不書也

經二年春王二月葬陳莊公無傳魯往會之故書例

在昭六年

夏公子慶父帥師伐於餘丘無傳於餘丘國名也莊

公時年十五則慶父莊公庶兄於餘至庶兄○

皆以於餘丘為邾之別邑左氏無傳正以春秋之旨
未有伐人之邑而不繫國者此無所繫故知是國釋
例註闕不知其處蓋近魯小國也莊公時年十五者
以桓六年生至此二年為十五莊二十七年公羊傳
曰公子慶父公子牙公子友皆莊公之母弟也左氏
先儒用此為說杜以不然故明之釋例曰經書公子
慶父伐於餘丘而公羊以為莊公母弟計其年歲既
未能統軍又無晉悼王孫滿幼知之文此蓋公羊之
妄而先儒曾不覺悟取以為左氏義今推案傳之上
下羽父之弑隱公皆諮謀於桓公則桓公已成人也

傳曰生桓公而惠公薨指明仲子唯有此男非謂生在薨年也桓以成人而弑隱卽位乃娶於齊自應有長庶故氏曰孟此明證也公疾問後於叔牙牙稱慶父材疑同母也傳稱季友文姜之愛子與公同生故以死奉服情義相推考之左氏有若符契是杜名其異母之意也氏曰孟氏傳文實然而經稱仲孫杜無明釋八年傳稱仲慶父其舉諡稱之則謂之共仲蓋慶父雖爲庶長而以仲爲字其後子孫以字爲氏是以經書仲孫時人以其庶長稱孟故傳稱孟孫其以諡配字而謂之共仲猶臧僖伯管敬仲之類也劉炫云蓋慶父自稱仲欲同於正適言已少次莊公爲三家之長故以莊公爲伯而自稱仲春秋之例皆傳言實而經順其意經稱當時之事書其自稱之辭其人自稱仲孫不得不書爲仲傳序已適之事舉其時人之語時人呼爲孟氏不得不以孟錄論語云孟孫問孝於我是時人呼云孟氏也楚公子棄疾弑君取國改名爲居經書楚子居卒是從其自稱也

秋七月齊王姬卒

無傳魯爲之主比之內女

註爲至

內女○正義曰他國夫人之卒例皆不書唯魯女爲諸侯之妻書其卒耳王姬非是內女亦書其卒爲比

之內女故也檀弓曰齊告王姬之喪魯莊公爲之大功或曰由魯嫁故爲之服姊妹之服是其比內女也

冬十有二月夫人姜氏會齊侯于禚

註夫人行不以禮

故還皆不書不告廟也禚齊地

○禚諸若反

乙酉宋公馮卒

註無傳再與桓同盟

○馮皮冰反

註再與桓同盟

也○正義曰桓十一年盟于折十二年于穀丘是再也

傳二年冬夫人姜氏會齊侯于禚書姦也

註文姜前

與公俱如齊後懼而出奔至此始與齊好會會非夫

人之事顯然書之傳曰書姦姦在夫人文姜比年出會其義皆同

經三年春王正月溺會齊師伐衛國溺魯大夫疾其專

命而行故去氏

○溺乃狄反去起居反
國
義曰隱四年翬會宋

公陳侯蔡人衛人伐鄭傳曰羽父請以師會之公弗許固請而行故書曰翬帥師疾之也彼不稱公子傳言疾之今溺亦不稱公子傳亦言疾之知其事與翬同疾其專命而行故去氏也公子非氏貶與氏同故言氏也

夏四月葬宋莊公國無傳

五月葬桓王

秋紀季以鄆入于齊

國

季紀侯弟鄆紀邑在齊國東安

平縣齊欲滅紀故季以邑入齊為附庸先祀不廢社

稷有奉故書字貴之

國 鄆戶圭反 本又作攜

國

○正義曰公羊

傳曰紀季者何紀侯之弟也何以不名賢也何賢乎
 紀季請復五廟以存姑姊妹穀梁傳曰鄆紀之邑也
 入于齊者以鄆事齊也杜取彼為說知季是紀侯之
 弟以鄆邑入齊為附庸之君附屬齊國也諸侯之卿
 例當書名善其能自存立故書字貴之也釋例曰齊
 侯鄭伯詐朝于紀侯以襲之紀人大懼而謀難於魯
 請王命以求成于齊公告不能齊遂偪之遷其二邑
 國有旦夕之危而不能自入為附庸故分季以鄆使
 請事于齊夫去之後季為附庸先祀不廢社稷有奉
 季之力也故書字不書名書入不書叛也判分也傳
 曰始分為紀侯夫去張本也劉賈謂紀季以鄆奔齊
 不言叛不能專鄆也傳稱紀侯不能下齊以與紀季

季非叛也紀亡之後叔姬歸于鄫明為附庸猶得專
鄫故可歸也是杜具說貴之意也以叔姬歸鄫知鄫
為附庸附庸之君雖無爵命而分地建國南面之主
得立宗廟守祭祀僖二十一年傳曰任宿須句顓臾
皆風姓也寔司大皞與有濟之祀論語云夫顓臾昔
者先王以為東蒙主須句顓臾皆附庸也得祀所出
之祖主其竟內山川
明得祀先君奉社稷

冬公次于滑

滑鄭地在陳留襄邑縣西北傳例曰凡

師過信為次兵未有所加所次則書之既書兵所加

則不書其所次以事為宜非虛次

○滑乎八反
又于八反

滑

鄭至虛次○正義曰此解畧而釋例詳釋例曰凡師
一宿為舍再宿為信過信為次此周公之典以詳錄
師出入行止遲速因為之名也兵事尚速老師費財
不可以久故春秋告命三日以上必記其次舍之與

信不書者輕碎不以告也兵未有所加所次則書之
 以示遲速公次于滑師次于郎是也既書兵所加則
 不書其所次以事為宜非虛次諸久兵而不書次是
 也既書兵所加而又書次者義有取於次遂伐楚次
 于陘盟于牡丘遂次乎匡是也所記或次在事前次
 以成事也或次在事後事成而次也皆隨事實無義
 例也杜言既書兵所加則不書其次者或伐或戰曠
 日持久其間必有三日之次既書戰伐則不書次雖
 次在事前次在事後皆不書也既書兵所加而又書
 次者義有取於次齊侯伐楚楚彊齊欲綏之以德故
 不速進而次于陘盟于牡丘本為救徐徐名使大夫救
 徐次匡以為之援義取於次故書兵所加而又書其
 次次在事前謂僖元年齊師宋師曹師次于韞北救
 邢也次在事後謂襄二十三年叔孫豹帥師救晉次
 于雍榆也韞北之下公羊傳曰曷為先言次而後
 言救君也雍榆之下公羊傳曰曷為言救而後言次
 先通君命也左氏先儒取彼為說言齊桓君也進止
 自內故先次後救叔孫臣也先通君命故先救後次

杜以傳無此言故改正其謬言此二事或次以成事
或事成而次皆隨事實先後而書之無義例也先儒
又言事次者皆善之辭釋例曰叔孫救晉次于雍榆
傳曰禮者善其宗助盟主非以次為禮也齊桓次于
聶北救邢亦以存邢具其器用師人無私見善不在
次也而賈氏皆即以為善次次之與否自是臨時用
兵之宜非禮之所素制也言非素制者非禮家制此
名以為善號也沈氏云將會鄭伯非軍旅而書次者
古者君行師從卿行旅
從故亦從師行之例也

傳三年春溺會齊師伐衛疾之也傳重明上例○
重

直用○夏五月葬桓王緩也以桓十五年三月崩
反

七年乃葬故曰緩○秋紀季以鄆入于齊紀於是乎

始判判分也言分為附庸始於此○冬公次于滑

春秋左傳卷之八十一

將會鄭伯謀紀故也鄭伯辭以難

釋

厲公在櫟故

難

乃且反櫟音歷或音書灼反

凡師一宿為舍再宿為信過信為次

釋

為經書次例也舍宿不書輕也言凡師通君臣

釋

釋

為經至君臣正義曰舍者軍行一日止而舍息

也信者住經再宿得相信問也穀梁傳曰次止也則

次亦止舍之名過信以上雖多日亦為次不復別立

名也通君臣者公次于滑君也叔孫豹次于雍榆臣

也但是師行皆從此例君將不言帥師故止云公次

亦師次也非師之次則不在此例釋例譏賈氏云若

魯公次乾侯之比非為用師不

應在例而復例之亦為濫也

經四年春王二月夫人姜氏享齊侯于祝丘

釋

無傳享

食也兩君相見之禮非夫人所用直書以見其失祝

丘魯地

○食音嗣又如字本或作會以見賢遍反

禮

享食至魯地○正義曰鄭玄儀禮註云

饗謂享大牢以飲賓則享是飲酒大禮與會小出而以享為會者言夫人與齊侯會而設享禮故其舉齊侯也定十年夾谷之會傳稱齊侯將享公孔子拒之乃不果享是享者兩君相見之禮二年穀梁傳曰婦人不言會言會非正也饗甚矣是享非夫人所當用也禮不合用而夫人用之故直書以見其失也定本享會作享食也

三月紀伯姬卒

禮

無傳隱二年裂繻所逆者內女唯諸

侯夫人卒葬皆書恩成於敵體

禮

隱二至敵體○正義曰穀梁傳曰

外夫人不卒此其言卒何也吾女也適諸侯則尊同以吾為之變卒之也為之變者為之服也禮諸侯絕期尊同則為之變服服大功九月恩成於敵體故書其卒適大夫則畧之釋例曰內女唯諸侯夫人卒乃

書恩成於敵體其非適諸侯則畧之以服制相準也生書其來而死不錄其卒從外大夫之比也

夏齊侯陳侯鄭伯遇于垂無傳

紀侯大去其國以國與季季奉社稷故不言滅不見

三 迫逐故不言奔大去者不反之辭以國至之辭

紀侯不能下齊以與紀季是往年分鄆與之紀國猶在今則全以紀與之故云以國與季釋例曰紀侯力弱慮窮自以列國不忍屈臣於齊使季以鄆求安而脫身外寓季果為附庸社稷有奉故不言滅不見迫逐故不言奔大去者不反之辭蓋時史即實而言仲尼弗改故傳不言故書書曰也是說大去之意也滅人國者皆毀其宗廟遷其社稷紀季雖降為附庸得自立廟社而其國不滅也諸侯之奔皆被逐而出此則不見迫逐故不言奔時史謂之大去仲尼以為得理故因而用之十二年叔姬歸于鄆則紀季雖全得

紀國亦不移就紀都紀之宗廟社稷皆遷之於鄆承祀如本故為不滅雖云國祚不滅其實為齊所吞紀之器物財賄亦應為齊得成二年傳稱紀獻玉磬目之以紀得非滅紀所得也季既入臣於齊縱使齊不自取必應以之為賂假令季以賂齊亦是滅紀所得也

六月乙丑齊侯葬紀伯姬無傳紀季入鄆為齊附庸

而紀侯大夫其國齊侯加禮初附以崇厚義故攝伯

姬之喪而以紀國夫人禮葬之正義曰紀侯由齊

大夫去則是齊為紀讐而葬其夫人故解其意云云雖為齊侯所葬亦由魯往會之故書釋例曰紀侯大夫其國令弟納邑附齊齊侯嘉而愍之恩及伯姬姬魯女故以來告大夫會葬故書齊侯葬紀伯姬也不書諡者亡國之婦夫妻皆降莫與之諡而賈許方以諸侯禮說文失之也

秋七月

冬公及齊人狩于禚音無傳公越竟與齊微者俱狩失

禮可知

○狩手又反竟音境本又作境

傳四年春王三月楚武王荆尸授師子焉以伐隨音

尸陳也荆亦楚也更為楚陳兵之法揚雄方言子者

戟也然則楚始於此參用戟為陳○子吉熱反方言云楚為戟為子為

陳直音尸陳至為陳○正義曰尸陳也釋詁文荆

觀反音即楚之舊邑故云荆亦楚也楚本小國地狹

民少雖時復出師未自為灋式今始言荆尸則武王

初為此楚國陳兵之法名曰荆尸使後人用之宣十

二年傳稱荆尸而舉是遵行之也揚雄以爾雅釋古

今之語作書擬之采異方之語謂之方言方言云戟

謂之子郭璞云取名於鉤子也戟是擊刺之兵有上刺之刃又有下鉤之刃故以鉤子為名也始云授師子焉是往前未以此器授師故云然則楚始於此參用戟為陳言參用之者參雜用之陳之所用非專用戟

將齊入告夫人鄧曼曰余心蕩○將齊側皆反註同鄧曼歎曰王祿盡矣盈而蕩

天之道也先君其知之矣故臨武事將發大命而蕩

王心焉○楚為小國僻陋在夷至此武王始起其眾

僭號稱王陳兵授師志意盈滿臨齊而散故鄧曼以

天地鬼神為徵應之符○僻匹亦反僭子念反應應對之應若師徒無

虧王薨於行國之福也○王薨於行不死於敵王遂

行卒於構水之下

國

構木木名

○構郎蕩反又莫昆反又武元反

國

國構木木名○正義曰此字之音或為曼或為朗若以構為聲當作曼以兩為聲當作朗字體難定或兩為之音杜直云木名不知本何所似木有似榆者俗呼為朗榆蓋為朗也

屈重除道梁差管軍臨隨隨人懼行成

國

時祕王喪

故為奇兵更開直道差水在義陽厥縣西東南入鄖

水梁橋也隨人不意其至故懼而行成

○重直用反一音直容反

差高貴鄉公音側嫁反水名

國

時祕至行成○正

字林壯加反鄖音云或作員

國

義曰除道謂除治新

路故知更開直道梁差為作梁於差故為橋也

曰義陽厥縣西有深水源出縣北從縣西東南至隨

縣入鄖水杜以深解差

蓋聲相近而字轉耳

莫敖以王命入盟隨侯曰請

為會於漢洧而還

國

洧內也謂漢西

○洧如銳反水曲曰洧

濟

漢而後發喪

國

且請至發喪○正義曰莫敖既與隨侯盟且又請隨侯畏楚為會禮於漢

水之洧而我還楚也隨侯畏楚遂從莫敖為會禮會訖隨侯因濟漢還國而後發王喪也

○紀侯

不能下齊以與紀季

國

不能降屈事齊盡以國與季

明季不叛

○下遐嫁反

夏紀侯大去其國違齊難也

國

違

辟也

○難乃且反

經五年春王正月

夏夫人姜氏如齊師

國

無傳書姦

國

夫人至齊師○正義曰於時齊無征

伐之事不知師在何處蓋齊侯疆理紀地有師在紀杜云書姦姦發夫人當向紀地從之不言會者往其

軍內就齊侯
耳不行會禮

秋郟犁來來朝

音

附庸國也東海昌慮縣東北有郟城

犁來名

○郟五兮反國名後為小郟
犁力兮反慮如字又力於反

冬公會齊人宋人陳人蔡人伐衛

傳五年秋郟犁來來朝名未王命也

音

未受爵命為

諸侯傳發附庸稱名例也其後數從齊桓以尊周室

王命以為小郟子

○數

音

未受至郟子○正義曰

之名傳言未王命者解其稱名之意由未得爵命為
諸侯故稱名也經書其名傳言未王命此傳所發即
是附庸稱名之例例當稱名故儀父稱字為貴之也
郟之上世出於郟國世本云郟顏居郟肥徙郟宋仲

子註云邾顏別封小子肥於邾為小邾子則顏是邾君肥始封邾譜云小邾邾俠之後也夷父顏有功於周其子友別封為附庸居邾會孫犁來始見春秋附從齊桓以尊周室命為小邾子穆公之孫惠公以下春秋後六世而楚滅之世本言肥杜譜言友當是一人僖七年經書小邾子來朝知齊桓請王命命之

○冬伐衛納惠公也圖惠公朔也桓十六年出奔齊

經六年春王正月壬子突救衛圖王人王之微官也

雖官卑而見授以大事故稱人而又稱字圖至稱字

○正義曰昭十二年傳稱叔孫昭子三命踰父兄則昭子之父叔孫豹再命也再命而名見於經知諸侯之卿再命三命皆書各一命乃稱人諸侯之臣既然而則王朝之臣亦然周禮王之上士三命中士再命下士一命故杜以為劉夏石尚稱名氏者上士中士也稱王人者下士也僖八年公羊傳曰王人微者知此

春秋左傳卷之八十五

王人亦微者故云王人王之微官也春秋之世二字
 而予在上者皆是字故知予突是字救衛必以師救
 而文不稱師於例為將卑師少以卑官而帥少師救
 衛不能使衛侯不入是無功也無功而稱字者以朔
 既讒構取國而又不能於民王意即定黔牟不欲使
 朔得入故遣師救之時史惡諸侯逆王命故尊王使
 言子突雖則官卑蒙王授以大事故稱人而又稱字
 貴王人所以責諸侯也釋例曰莊六年五國諸侯犯
 逆王命以納衛朔大其事故字王人謂之子突是說
 進之意也進之不稱名而越稱字者王之上士下士
 爵回而命異耳進之同中士未足以為榮故超從大
 夫之例稱字以貴之也文二年垂隴之會晉士穀堪
 其事即書名氏似若真為卿然故不復稱人此貴子
 突止為敦責諸侯非是人實堪進故稱人依其本班
 稱字見其別有所為耳穀梁傳曰王人卑者也名貴
 之也善救衛也救者善則伐者不正矣杜意取彼為
 說唯以子突為字耳范甯註
 穀梁亦云此各持為字誤耳

夏六月衛侯朔入于衛國朔為諸侯所納不歸而以

國逆為文朔懼失眾心以國逆告也歸入例在戊十

八年國朔為至八年○正義曰去年齊宋陳蔡伐

衛傳曰納惠公也此年衛侯得入則是諸侯

納之當言歸而經書入成十五年宋華元奔晉宋人

迎而反之當言復歸而經書歸釋例曰朔懼有違眾

之犯而以國逆告華元實國逆欲挾晉以自助故以

外納赴春秋從而書之宋二子之情也凡諸侯外納

有三一者以言語告請得入蔡季歸于蔡是也二者

與師送入其國楚人圍成納頓子于頓是也三者所

納之君別在他國而諸侯師伐彼國

令其得入今公及諸侯伐衛是也

秋公至自伐衛國無傳告于廟也

螾國無傳為災○螾亡

丁反

冬齊人來歸衛俘

公羊穀梁經傳皆言衛寶此傳亦

言寶唯此經言俘疑經誤俘囚也

○俘芳大反

至囚也

公羊

○正義曰釋例曰齊人來歸衛寶公羊穀梁經傳及左氏傳皆同唯左氏經獨言衛俘考三家經傳有六而其五皆言寶此必左氏經之獨誤也案說文保從人象省聲古文保不肖然則古字通用寶或保字與俘相似故誤作俘耳杜既以為誤而又解俘為囚是其不敢正決故且從之

傳六年春王人救衛○夏衛侯入放公子黔牟于周

放甯跪于秦殺左公子洩右公子職

甯跪衛大夫

宥之以遠曰放

○甯乃定反跪其毀反宥音又

乃即位君子以二公

子之立黔牟為不度矣夫能固位者必度於本末而

後立衷焉不知其本不謀知本之不枝弗強本木

終始也衷節適也譬之樹木本弱者其枝必披非人

力所能強成

○度待洛反下同衷丁仲反註同王音忠強其丈反註同披普靡反又普知反

詩云本枝百世詩大雅言文王本枝俱茂蕃滋百

世也

○蕃音煩國君子至百世○正義曰君子以二公子

人爲君使能自堅固其位者必當揆度於本末度其本者謂其人才德賢善根本牢固度其末者謂其人

終能保有邦國蕃育子孫知其堪能自固而後立其衷焉衷謂節適言使得節適時乃立之也若不能知

其本之可立與否則不當謀之如似樹木知其根本之弱不能生長枝葉以喻所立之人材力劣弱不能

保有邦國蕃育子孫則不須自強立之詩以樹木本幹喻適枝葉喻庶言文王子孫本幹枝葉適子庶子

皆傳國百世由文王之德堪使蕃滋故也劉炫云度其本謂思所立之人有母氏之寵有先君之愛有疆臣之援為國人所信服也度其未謂思所立之人有度量有知謀有治術為下民所愛樂也 ○冬

齊人來歸衛寶文姜請之也 公親與齊共伐衛事

畢而還文姜淫於齊侯故求其所獲珍寶使以歸魯

欲說魯以謝慙 說 ○楚文王伐申過鄧鄧祁侯曰

吾甥也 祁諡也姊妹之子曰甥 祁巨支反 祁

諡至曰甥 ○正義曰諡法經典不易曰祁衛有石祁子亦諡也釋親云謂我舅者吾謂之甥是姊妹之子

甥 止而享之 騶甥聘甥養甥請殺楚子 皆鄧甥仕

於舅氏也 音佳 鄧侯弗許二甥曰亡鄧國者必此人

也若不早圖後君噬齊

若齧腹齊喻不可及

市制

反齊粗兮反
齧五結反

其及圖之乎圖之此為時矣鄧侯曰人

將不食吾餘

言自害其甥必為人所賤

人將不

食吾餘

○正義曰食謂噉之為甥設享而因享害之所有餘
食更為人設之將賤吾不肯復食噉吾之餘食也膏
育以為楚鄧彊弱相縣若從三甥之言楚子雖死鄧
滅會不旋踵若剝腹去疾炊炭止沸左氏為短鄭箴
云楚之彊盛從滅鄧以後於時楚未為彊何得云彊
弱相縣蘇氏云三甥既有此語左氏因史記之文錄
其實事非君子
之論何以非之

對曰若不從三臣抑社稷實不血食

而君焉取餘

言君無復餘

○焉於虔反復
扶又反下文同

弗從還

年楚子伐鄧

伐申還之年十六年楚復伐鄧滅之

經 魯莊公十六年楚終疆盛為經書楚事張本

國 魯

莊公十六年○正義曰知非楚文王十六年者以文王莊五年即位至十九年卒唯十五年耳

經七年春秋夫人姜氏會齊侯于防

國 防魯地

夏四月辛卯夜恒星不見 **國** 恒常也謂常見之星辛卯

四月五日月光尚微蓋時無雲日光不以昏沒 **國** 不見賢

遍反註及 **國** 恒常至昏沒 **國** 正義曰恒常釋詁文

傳皆同 **國** 夜者自昏至旦之總名但此經下言夜

中則此言夜者夜未至中謂初昏之後耳非竟夜不

見星也穀梁夜作昔傳曰日入至於星出謂之昔不

見者可以見也必如彼言星出以前名之曰昔則各

昔之時法當未有星矣何以怪其不見而書為異也

明經所言夜者夜昏之後星應見之時而不見耳公

手傳曰恒星者何列星也言天官列宿常見之星也

於時周之四月則夏之仲春月令仲春之月日在奎
昏弧中鄭玄云弧在輿鬼南則於時南方之星盡當
列見謂常見之星者謂南方星也杜以長歷按之知
辛卯是四月五口也杜以五日月光尚微不能奄星
使不見若有雲蔽當時復無雲蓋
日光不以昏沒是故以為異也
夜中星隕如雨

如而也夜半乃有雲星落而且雨其數多皆記異也

日光不匿恒星不見而云夜中者以水漏知之
○夜中夜

半也丁仲反又如字隕音如而至知之○正義曰
丁閔反落也匿女力反音公羊說如雨者言其狀似

雨也此傳言星隕如雨與雨偕也偕訓為俱與雨俱
下不得為狀似雨也故轉如為而謂星落而且雨其

數多與雨雜下所落非一星也非常為異害物為灾
此二事雖是天之變異不見物被灾害皆記異也星

隕非常固可記異雨乃常事亦言之者見星之隕其
勢宜明時乃陰雨雨內見星所以為異主言星之異

不言雨之為異也夜之早晚以星為驗日光不匿恒
星不見而云夜中者以水漏知之漏者晝夜百刻於
時春分之月夜當五十刻二十五刻而夜半也

秋大水

無傳

無麥苗

今五月周之秋平地出水漂殺熟麥及五稼

之苗 ○漂匹妙反 ○今五至之苗 ○正義曰直言
又匹遙反 ○無麥苗似是麥之苗而知麥苗

別者公羊傳曰曷為先言無麥而後言無苗待無麥
然後書無苗如彼傳文知麥苗別也且此秋今之五

中麥已熟矣不得方云麥之無苗故知熟麥及五稼
之苗皆為水漂殺也種之曰稼斂之曰穡月令五時

食穀黍稷麻麥豆周禮謂之五穀故云
稼之苗何休云禾初生曰苗秀曰禾

冬大旱人妻其骨齊侯于穀

無傳穀齊地今濟北穀城

縣

傳七年春文姜會齊侯于防齊志也文姜數與齊

侯會至齊地則姦發夫人至魯地則齊侯之志故傳

畧舉二端以言之

○數
音朔
文姜數與齊侯會者二年

于禘四年于祝丘五年如齊師此年于防于穀是也

哀十五年傳稱齊致禘媚杏於衛則禘是齊地定五

年傳稱季平子行東野卒于防則防是魯地傳於齊

地言書姦於魯地言齊志故知至齊地則姦發夫人

至魯地則齊侯之志也二年會之始此年會之末故

傳畧舉二端以言之明其餘意同也杜于禘于穀皆

言齊地于祝丘言魯地見其有二意若其不然桓五

行不得不書故直書其行而其善惡各繫於本會于
庶傳稱書姦夫人入齊地也會于防傳稱齊志齊侯
入魯地也於經無
例傳以實言之

與雨偕也
借俱也
○借
音皆
○秋無麥苗不害嘉穀也

黍稷尚可更種故曰不害嘉穀

經八年春王正月師次于郎以俟陳人蔡人
無傳期

共伐邾陳蔡不至故駐師于郎以待之
期共至

義曰唯言以俟陳蔡不知何故待之下有師及齊師
圍邾或與陳蔡同計故云期共伐邾陳蔡不至故待

之賈逵及說穀梁者皆云陳蔡欲伐魯故待之陳蔡
於魯竟絕路遙春秋以來未嘗構怨何因輒伐魯也

又俟者相須同行之辭非防寇拒敵之稱若是畏其
來伐當謂之禦不得稱俟故知期共伐邾耳何休服

虔亦言欲
共伐邲

甲午治兵

治兵於廟習號令將以圍邲

治兵至

圍邲

○正

義曰周禮中春教振旅中秋教治兵穀梁傳曰出曰
治兵習戰也入曰振旅習戰也公羊傳曰出曰祠兵
入曰振旅其禮一也皆習戰也釋天云出為治兵尚
威武也入為振旅反尊卑也孫炎云出則幼賤在前
貴勇力也入則尊老在前復常灋也彼言治兵振旅
皆謂因田獵而選車徒教戰灋習號令知此治兵亦
是習號令此治兵於廟欲就尊嚴之處使之畏威用
命耳但軍旅之眾非廟內所容正應告於宗廟出在
門巷習之昭十八年傳稱鄭人簡兵大蒐將為蒐除
杜云治兵於廟城內地迫故除廣之是告於廟習於
巷也下有圍邲知治兵為圍邲也沈云周禮中秋治
兵月令孟春令云是月也不可以稱兵所以甲午治
兵者以為圍邲故非時治兵猶如備難而城雖非時
不譏沈又云治兵之禮必須告廟告廟雖是內事治

兵乃是外事故雖告廟仍用甲午且治兵則征伐之類又為圍郕雖在郊內亦用剛日甲午治兵公羊以為祠兵謂殺牲饗士卒

夏師及齊師圍郕郕降于齊師二國同討而齊獨納

郕○降戶江及傳皆同師及至齊師○正義曰於例將卑師

仲慶父請伐齊師聞郕降齊師在國請耳非是軍中請也

秋師還時史善公克已復禮全軍而還故特書師還

則書至命將出師未有書師還者也慶父請伐齊

師欲以自圍郕之師迴伐齊師若用其言則方相戰鬪師或喪敗公乃自責無德引罪歸已時史善公克

已復禮全軍而還喜其得還故特書師還也傳言君子是以善魯莊公君子謂當時之史書此師還以善

魯莊公也仲尼以為得理故因而用之克已復禮論語文也克勝也已雖恨齊勝情而止責已而不責於人合於禮意僖三十年秦晉圍鄭傳稱秦人竊與鄭盟子犯請擊秦師晉侯不許與此事同而彼無善文者魯莊中平之主能有善事故為可嘉晉文身為霸主而私自恨鄭引秦共伐而秦人背之失其所與則為不知得免不知之譏已為幸矣雖不從子犯未足可尚時史不善其事故仲尼亦無褒文

冬十有一月癸未齊無知殺其君諸兒音五兮反稱臣臣之罪

也

○兒如字一

音五兮反

傳八年春治兵于廟禮也夏師及齊師圍邾邾降于

齊師仲慶父請伐齊師音五兮反齊不與魯共其功故欲伐

之公曰不可我實不德齊師何罪罪我之由夏書曰

皐陶邁種德

註

夏書逸書也稱皐陶能勉種德邁勉

也

○夏戶雅反後放此陶音遙

德乃降

註

夏書至乃降○正義曰此虞書皐陶謨之文以

述禹事故傳謂之夏書孔安國以為邁行種布降下也言皐陶能行布其德德乃下洽於民故民歸之今引之斷章取證降義當言皐陶能布行其德由其有德乃為人降服也杜不見古文故以為逸書以邁為勉言皐陶能勉力種樹功德不知德乃降亦是書文謂為莊公之語故隔從下註言能慕皐陶之種德乃人自降服之自恨不能如皐陶也

姑務修德以待時乎

註

言苟有德

乃為人所降服姑且也

秋師還

君子是以善魯莊公

註

傳言經所以即用舊史之文○齊侯使連稱管至

父戍葵丘

連稱管至

註

父皆齊大夫戍守也葵丘齊

地臨淄縣西有地名葵丘

○稱尺證反又如字

瓜時而往曰及

瓜而代期戍公問不至

問命也

○期音基本亦作基

請代弗

許故謀作亂僖公之母弟曰夷仲年生公孫無知有

寵於僖公衣服禮秩如適

○適丁歷反註同

襄公

紂之二人因之以作亂

二人連稱管至父

○紂勅律反

連稱有從妹在公宮無寵使間公

伺公之間隙

○從

才用反下從者皆同間如字註同或古莧反非

曰捷吾以女為夫人

捷克

也宣無知之言

○捷在接反女音汝

○冬十二月齊侯游于姑

勞遂田于貝丘

姑勞貝丘皆齊地田獵也樂安博

昌縣南有地名貝丘

○焚扶云反貝補蓋反樂音洛

見大豕從者曰

公子彭生也

註公見大豕而從者見彭生皆妖鬼公

怒曰彭生敢見射之豕人立而啼公懼隊于車傷足

喪屨反誅屨於徒人費

註誅責也

○敢見賢遍反射食亦反啼田兮反

隊直類反喪息浪反屨之具反費音祕

弗得鞭之見血走出遇賊于門

劫而束之費曰我奚御哉袒而示之背信之費請先

入

註詐欲助賊

○御魚呂反袒音袒

伏公而出鬪死于門中石

之紛如死于階下

註

石之紛如齊小臣亦鬪死

○紛敷文

反遂入殺孟陽于牀

註

孟陽亦小臣代公居牀

○牀主良

反曰非君也不類見公之足于戶下遂弑之而立無

知

經書十一月癸未長曆推之月六日也傳云十

二月傳誤初襄公立無常**國**政令無常鮑叔牙曰君

使民慢亂將作矣奉公子小白出奔莒**國**鮑叔牙小

白傳小白僖公庶子

○鮑步卯反

亂作管夷吾召忽奉公

子糾來奔**國**

管夷吾召忽皆子糾傳也子糾小白庶

兄來不書皆非卿也為九年公伐齊納子糾齊小白

入于齊傳

○召時照反糾居黜反

初公孫無知虐于雍廩**國**雍

廩齊大夫為殺無知傳

○廩力錦反

經九年春齊人殺無知無知弑君而立未列於會故

不書爵例在成十六年無知弑君自立則是為齊

君矣而不言弑其君者為未列於會故不書爵不書

爵者正謂不書弑其君也釋例曰諸侯不受先君之

命而篡立得與諸侯會者則以成君書之齊商人蔡

侯服之屬是也若未得接於諸侯則不稱爵楚公子

棄疾殺公子比蔡人殺陳佗齊人殺無知衛人殺州

吁公子瑕之屬是也諸侯篡立雖以會諸侯為正此

列國之制也至於國內策名委質即君臣之分已定

故雖殺不成君亦與成君同義也是言殺而不稱君

之意也曹伯負芻殺天子而自立成十五年晉侯討

而執之十六年曹人請于晉曰若有罪則君列諸會

矣是列會則成君

故指彼以為例

公及齊大夫盟于蕺齊亂無君故大夫得敵於公蓋

欲迎子糾也來者非一人故不稱君蕫魯地琅邪繪

縣北有蕫亭

○蕫其器反 繪才綾反

國

齊亂至蕫亭 ○正義曰僖二十九年傳曰在

禮卿不會公侯會伯子男可也是大夫不得敵公也若敵公則經沒公不書而貶卿稱人翟泉之盟是也此不沒公者齊亂無君故大夫得敵公既得敵公當書名氏而直言齊大夫者來者非一人故不稱名也文七年宋人殺其大夫傳曰不稱名衆也是衆則不得書名

夏公伐齊納子糾

國

公伐齊納子糾 ○正義曰公羊傳曰糾者何公子糾也何以不稱公

子君前臣名也何休曰嫌當為齊君在魯君前不為臣禮故去公子見臣於魯也賈逵云不言公子次正也公羊之說不可通於左氏次正不稱公子其事又無所出案今定本經文糾之上且有子字自外入內不稱公子者多唯有楚公子比稱公子蓋告辭有詳畧故為文不同此有伐齊之文故不須言于齊納捷

蓄于邾為無伐邾 齊小白入于齊 二公子各有黨

故雖盟而迎子糾當須伐乃得入又出在小白之後

小白稱入從國逆之文本無位 二公子至無位

牙以小白奔莒管夷吾召忽奉子糾來奔則二子在

國寵均勢敵故國內各有其黨今齊大夫來盟于莒

直是子糾之黨來迎子糾耳小白之黨猶自向莒迎

小白也若其舉國同心共推子糾來迎即宜付之不

須以盟要之今既與之盟而興師送糾是二公子各

自有黨須伐乃得人故公伐齊也昭十三年傳稱桓

公有國高以為內主則國子高子是小白之黨也彼

迎小白既早公送子糾又遲公伐齊納子糾始行即

書小白入齊得告乃書故至齊之時出小白之後也

傳例曰凡去國國逆而立之曰入小白稱入從國逆

之文以其本無位也若本有位則當云復歸賈服以

為齊大夫來迎子糾公不亟遣而盟以要之齊人歸

迎小白謂迎小白者還是盟蕲人夫故杜言各自有黨以排之

秋七月丁酉葬齊襄公國無傳九月乃葬亂故

八月庚申及齊師戰于乾時我師敗績國小白既定而

公猶不退師歷時而戰戰遂大敗不稱公戰公敗諱

之乾時齊地時水在樂安界岐流旱則竭涸故曰乾

時○乾音干岐其宜反又巨移反涸戶各反國公以夏伐齊已出小白之

後齊人得葬襄公便是國寧位定公可退而不退戰

而敗績是公之罪時史書策不稱公戰公敗為公諱

也若言此戰非公是將卑師眾故直言師戰師敗耳此戰雖諱猶書敗升陘之戰敗亦不書者彼為獲公

曹恥諱之深故不書敗也

九月齊人取子糾殺之

公子為賊亂則書齊實告殺

而書齊取殺者時使惡齊志在譎以求管仲非不忍

其親故極言之

○惡烏路反 譎古文反

取子糾殺之 ○正義曰此各糾耳稱子者

公羊傳曰其稱子糾何貴也其貴奈何宜為君者也

何休云以君薨稱子某言之者著其宜為君從未踰

年君例賈逵云稱子者愍之案定本上納子糾已稱

子則此言子非愍之也沈云齊人稱子糾故魯史從

其所稱而經書子糾知者傳云子糾親也請君討之

豈復是愍之乎劉與賈同 **○**公子至言之 **○**正義

曰諸侯之臣為卿乃見經公子為賊亂者則書其名

不問位之貴賤釋例曰禍福不告則不書然則國之

大事見告則皆承告而書貴賤各以所告為文也福

莫大於享國有家禍莫甚於骨肉相殘故公子取國

及為亂見殺者亦皆書之不必繫於為卿故子糾

意恢以公子見書於經也是說公子書經之意也

冬浚洙

訓

無傳沐水在魯城北下合泗浚深之為齊備

○浚蘇俊反深也洙

音殊水名泗音四

例

洙水至齊備○正義曰釋

入沅水下合泗公才傳曰洙者何水也浚之者何深之也曷為深之畏齊也是畏齊故深之為阻固也

傳九年春雍廩殺無知○公及齊大夫盟于藐齊無

君也○夏公伐齊納子糾桓公自莒先入**訓**桓公小

白○秋師及齊師戰于乾時我師敗績公喪戎路傳

乘而歸**訓**戎路兵車傳乘乘他車○喪息浪反傳直專反又丁戀反傳

乘繩證反註傳乘字同乘他如字○秦子梁子以公旗辟于下道**訓**

二子公御及戎右也以誤齊師○辟音避本亦作是

以皆止止獲也鮑叔帥師來言曰子糾親也請君

討之鮑叔乘勝而進軍志在生得管仲故託不忍

之辭管召讐也請受而甘心焉管仲射桓公故曰

讐甘心言欲快意戮殺之召詩照反讐市由反射食亦反乃殺子

糾于生竇生竇魯地召忽死之管仲請囚鮑

叔受之及堂阜而稅之堂阜齊地東莞蒙陰縣西北有夷吾亭或曰鮑叔解夷吾縛於此因以為名

本又作說同上活反一音失歸而以告曰管夷吾治

銳反解古買反縛扶各反於高僖高僖齊卿高敬仲也言管仲治理政事之

於高僖

才多於敬仲

○治直吏反使相可也

使相可也

鮑叔至可也

傳大畧世有管子書者或是後人所錄其言甚詳其

小匡篇曰桓公自莒反於齊使鮑叔牙為宰鮑叔辭

曰君有加惠於臣使臣不凍綏則是君之賜也若必

治國家則非臣之所能也其唯管夷吾乎臣之所不

如夷吾者五寬惠愛民臣不如也治國不失秉臣不

如也忠信可結於諸侯臣不如也制禮義可法於四

方臣不如也介冑執柩立於軍門使百姓皆知勇臣

不如也夫管子民之父母也將欲治其子不可棄其

父母公曰管夷吾親射寡人中鉤始於死今乃用之

可乎鮑叔曰彼為其君勤也君若宥而反之其為君

猶是也公曰然則為之奈何鮑叔曰君使人請之魯

公曰夫施伯魯之謀臣也彼知吾將用之必不吾與

鮑叔曰君詔使者曰寡君有不令之臣在君之國願

請之以戮於羣臣魯君必諾且施伯之知夷吾之才

必將致魯之政夷吾受之則魯能弱齊矣夷吾不受

彼知其將反齊必殺之君亟請之不然無及公乃使

鮑叔行成曰公子糾親也請君討之魯人為殺公子
 糾又曰管仲讐也請受而戮之魯君許諾施伯謂魯
 侯曰勿與非戮之也將用其政也管仲天下之賢人
 今齊求而得之則必長為魯國憂君何不殺之而授
 其屍魯君曰諾將殺管仲鮑叔進曰殺之齊是戮齊
 也殺之魯是戮魯也寡君願生得之以徇於國為羣
 臣戮者不生得是君與寡君之賊比也非敝邑之所
 請也使臣不敢受命於是乎魯君乃不殺遂生束縛
 而以與齊鮑叔受而哭之三舉施伯從而笑之謂大
 夫曰管仲必不死矣鮑叔之不忍戮賢人其知知稱
 賢以自成也至於堂阜之上鮑叔被而浴之三桓公
 親迎於郊遂與歸禮之於廟三酌而問為政焉外傳
 齊語與管子大同管子當是本耳管子無治於高侯
 之言鮑叔之美管子其言非一說者各記所聞故不
 同

耳公從之

○相息

亮反

經十年春王正月公敗齊師于長勺

○

齊人雖成列魯

以權譎稽之列成而不得用故以未陳為文例在十

一年長勺魯地

○勺上酌反陳直觀

反十一年經註同

地○正義曰齊人至魯

例稱敵未陳曰敗某師皆陳曰戰此傳稱齊人成陳擊鼓不應稱敗齊師故解之孫子兵書曰誓稽之使失其先後謂稽留彼敵不時與戰使先後失其次第魯以曹劌之語權謀譎詐以稽留之列成而不得用與未陳相似故以未陳為文釋例曰長勺之役雖俱陳而鼓音不齊檣李之役越人患吳之整以死士亂吳雖皆已陳猶以獨克為文舉其權詐是也此註稽或作掩誤耳今定本作稽

二月公侵宋

註

無傳侵例在二十九年

三月宋人遷宿

註

無傳宋強遷之而取其地故文異於

邢遷

○強其文反

夏六月齊師宋師次于郎不言侵伐齊為兵主背莒

之盟義與長勺同

○背音佩傳同 曰此春敗齊師于長勺

傳稱齊師伐我則今次于郎亦是欲來伐我而經並

不稱侵伐侵伐者責罪之文也桓十年齊侯鄭魚來

戰于郎傳曰我有辭也故不稱侵伐則知此與長勺

不書侵伐亦為我有辭也我有辭者齊來伐我為公

伐齊納于糾來報伐也公之伐齊大夫來盟于蔭許

以于糾為君今魯伐齊納于糾彼自背盟伐魯非責

魯也魯有此辭故齊人不合伐也杜言二公子各有

黨則迎于糾者非小白之徒而責齊背盟者言彼莒

盟大夫背盟而從小白誤公使伐齊耳不言桓公背

盟也杜以傳於長勺之役有伐我之語故就傳為解

秋九月荆敗蔡師于莘荆楚本號後改為楚楚僻陋

公敗宋師于乘丘

乘丘魯地

○乘繩證反

在夷於此始通中國然告命之辭猶未合典禮故不

稱將帥莘蔡地

○莘所中反將率子匠反率又作帥同所類反

○

荆楚至

義曰荆楚一本二名故以為國號亦得二名終莊公之世經皆書荆僖之元年乃書楚人伐鄭蓋於爾時始改為楚以後常稱楚也他國雖將有尊卑師有多少或稱師或稱將不得直書國名史之書策承彼告辭此直稱國知其告命之辭未合典禮故不稱將帥也

以蔡侯獻舞歸

○

獻舞

蔡季

○

以蔡侯獻舞歸○正義曰穀梁傳曰以歸猶愈乎執也杜於隱七年註云但言以歸非執也

也則以歸者直將與共歸不被囚執其恥輕於執也釋例得獲例曰敵國交兵亦有兵器之獲欲殊別君臣故於君曰滅於臣曰獲國君者社稷之主百姓之望當與社稷宗廟共其存亡者也而見獲於敵國雖存苦亡死之與生皆與滅向至於偏軍元帥君之臣僕出身致命榮辱得失自其常事故傳曰胡子髡沈

子逞滅獲陳夏齧君臣之辭也如杜此言師敗身虜亦應稱滅此不言滅而云以歸者釋例所云據宗廟社稷已亡而君見獲於敵君身雖在與亡無異皆以滅為文則定六年鄭游速帥師滅許以許男斯歸是也若社稷宗廟不亡君身見獲於敵則云以歸此蔡侯獻舞歸是也劉炫云在陳死則稱滅以還者則言以歸以規杜氏非也

冬十月齊師滅譚譚國在濟南平陵縣西南傳曰譚

無禮此直釋所以見滅經無義例他皆放此滅例在

文十五年譚徒南反譚子奔莒不言出奔國滅無所

出何以不言至所出○正義曰公羊傳曰何以不言出國已滅矣無所出也

傳十年春齊師伐我不書侵伐齊背蕩之盟我有

辭公將戰曹劌請見
註曹劌魯人
註曹劌魯人
賢通反下同
註○劌古衛反見

註曹劌魯人
史記作曹沫亦云魯人
其鄉人曰肉食者謀之又何

間焉
註肉食在位者間猶與也
○間間廁之間
註同與音預
註肉

食至與也○正義曰孟子論庶人云五畝之宅樹之
以桑五十者可以衣帛雞豚狗彘之畜無失其時七

十者可以食肉是賤人不得食肉故云在位者也襄
二十八年傳說子雅子尾之食云公膳日雙雞昭四

年傳說頰冰之法云食肉之祿冰皆與焉大夫命婦
喪浴用冰蓋位為大夫乃得食肉也間為間雜言不

應間其中而為之
謀故云間猶與也
劌曰肉食者鄙未能遠謀乃入見

問何以戰公曰衣食所安
註衣食所安○正義曰公
意衣食二者雖所以安

身然亦不敢專已
弗敢專也必以分人對曰小惠未

徧民弗從也。分公衣食所惠不過左右故曰未徧

徧註同。公曰犧牲玉帛。皆祭神之物。曲禮曰天子

以犧牛諸侯以肥牛鄭玄云犧純毛也肥養於滌也

然則牲謂三牲牛羊豕也犧者牲之純色也魯自得

用天子之禮要犧牲相配之。弗敢加也必以信。祝

辭不敢以小為大以惡為美。對曰小信未孚

神弗福也。孚大信也。亦信耳以言小信未孚故

解字為大信以形之。公曰小大之獄雖不能察必以情。必盡

已情察審也對曰忠之屬也。上思利民忠也。屬

情審察不用使之有枉則是思欲利民故為忠之

情

審察不用使之有枉則是思欲利民故為忠之

也 可以一戰戰則請從公與之乘共乘兵車 才用

反乘繩 戰于長勺公將鼓之劓曰未可齊人三鼓劓

曰可矣齊師敗績公將馳之劓曰未可下視其轍

視車跡也 ○三息暫反又 登軾而望之 登軾而望

曰考工記云兵車之廣六尺有六寸三分車廣去一

以為為隧隧謂輿內前後深四尺四寸也三分其隧一

在前二在後以揉其式式在輿間從前量之深一尺

四寸三分寸之三也以其廣之半為之式崇崇二尺

二寸也謂當車輿之內去前軫一尺四寸三分寸之

二下去車板三尺三寸橫施一木名之曰軾得使人
立於其後時依倚之曹劓登軾得臣云君馮軾皆謂此也 曰可矣遂逐齊師既克
公問其故對曰夫戰勇氣也一鼓作氣再而衰三而

竭彼竭我盈故克之夫大國難測也懼有伏焉○恐

詐奔

○軾音式伏如字舊扶又反

吾視其轍亂望其旗靡故逐之

○

旗靡轍亂怖遽

○旗音其靡音美怖音布反遽其據反

○夏六月齊

師宋師次于郎公子偃曰宋師不整可敗也○公子

偃魯大夫宋敗齊必還請擊之公弗許自雩門竊出

蒙皐比而先犯之○雩門魯濟城門皐比虎皮○雩音于

比音毗

○

雩門至虎皮○正義曰雩門為魯南城門蓋時人猶以名之故知也僖二十八年

傳稱晉臣蒙馬以虎皮此云蒙皐比而先犯之事與彼同皐比是虎皮也以晉臣之事譬之必知定是虎皮之名曰皐比則其義未聞樂記云倒載于戈包之以虎皮名之曰建橐鄭玄以為兵甲之衣曰橐橐

韜也而其字或作建
旱故服虔引以解此
公從之大敗宋師于乘丘齊師

乃還○蔡哀侯娶于陳息侯亦娶焉息媯將歸過蔡

蔡侯曰吾姨也媯妻之姊妹曰姨媯媯妻之姊妹曰姨

親云妻之姊妹同出為媯
孫炎云同出俱已嫁也止而見之弗賓不禮敬

也息侯聞之怒使謂楚文王曰伐我吾求救於蔡而

伐之楚子從之秋九月楚敗蔡師于莘以蔡侯獻舞

歸○齊侯之出也過譚譚不禮焉及其入也諸侯皆

賀譚又不至以九年入冬齊師滅譚譚無

禮也譚子奔莒同盟故也傳言譚不能及遠所以

亡也歸于齊也同盟於也國也

賢歸又不至也

○齊河之出也

分之焚于公也

也息對開之

新炎云同也

蔡封曰吾

不也

歸也而其



春秋左傳註疏卷第九

莊十一年盡二十二年

臧氏註

經十有一年春王正月無傳

夏五月戊寅公敗宋師于鄆魯地傳例曰敵未陳

曰敗某師

○鄆子公敗宋師于鄆○正義曰往年

斯反役侵我則是報復前怨魯當無辭亦不稱侵伐者莊

立以來未嘗犯宋宋黨齊伐我故敢于乘丘今復重

秋宋大水

責非魯罪也公使弔之故書

冬王姬歸于齊魯主昏不書齊侯逆不見公

傳十一年夏宋為乘丘之役故侵我公禦之宋師未

陳而薄之敗諸鄆凡師敵未陳曰敗某師通謂設

權譎變詐以勝敵彼我不得成列成列而不得用故

以未陳獨敗為文為乘丘偽反陳直

義曰設權譎變詐以勝敵者謂若長勺之役待齊人

三鼓氣衰乃擊之定十一年橋李之役越子患吳之

整使罪人屬劍自剄吳師屬之目越子因而伐之此

二者敵雖已陳及權勝之成列而不得用也此及昭

元年晉荀吳敗狄于大鹵傳皆云未陳而薄之是其

未成列也彼我不得成列與成列而不得用皆以未

陳獨敗為文言彼不能推而此獨克之也昭五年叔

弓敗莒師于蚡泉傳曰莒未陳也此已發例彼復發

者釋例曰魯敗宋莒再發未
陳之例者嫌君臣有異也

皆陳曰戰

堅而有備

各得其所成敗決於志力者也

正義曰戰者其鬪
堅而至者也○

之辭彼此成列權無所施故為各得其所成敗決於
志力者也兩國交戰必有勝負或有未至成敗各自
收斂故有言戰不言敗者桓十年齊侯鄭伯來戰于
郎十二年及鄭師伐宋丁未戰于宋如此之類交戰
而未至於敗故不書敗也或有彼實未陳應從未陳
之例亦書戰者或有實敗而不書敗者皆從告辭也
釋例曰令狐之役晉人潛師夜起而書戰者晉諱背
其前意而夜薄秦師以戰也河曲之戰秦晉交綏
長岸之戰吳楚兩敗交綏並退軍士未怒吳楚俱病
莫肯以告故皆書戰而不書敗也邲之戰上軍先陳
林父乃敗故書
戰又書敗也

大崩曰敗績

師徒撓敗若沮岸崩

山喪其功績故曰敗績

○撓乃孝反一音乃巧反沮
在呂反壞也一音子餘反岸

崩謂之沮師徒至敗績○正義曰師徒撓敗成喪息浪反二年傳文穀梁傳曰高曰崩厚曰崩解

其師非高厚而稱崩意沮訓壞也沮岸謂河岸崩也師旅大敗似岸崩山崩也續訓為功喪其功績故曰

敗績唯成十六年言楚子鄭師敗績者釋例曰鄢陵之戰楚師徒未大崩楚子傷目而退故指事而言也

言楚子身敗非師敗也故言楚子敗績僖十五年晉侯及秦伯戰于韓獲晉侯其君被獲而不書敗者晉

侯戎馬還濟而止為秦所獲師不大崩故不書敗也城濮之戰傳稱楚左右師潰子玉收其卒而止故不

敗是二軍敗而經書敗績鄢陵之戰傳稱子反曰臣之卒實奔是一軍敗而杜云師未大崩然敗績者是

大崩之名敗多存少乃稱敗得僖曰克謂若太叔績敗少存多則不稱敗績也

段之比才力足以服眾威權足以自固進不成為外

寇強敵退復殺壯有二君之難而實非二君克而勝

之則不言彼敗績但書所克之名○僞音俊本或作俊比必利反復扶

又反狡壯交卯反下謂若至之名○正義曰克

測亮反難乃旦反訓勝也戰勝其師獲得其君

內之雄僞者故云得僞曰克春秋稱克者唯有叔段

一事而已既非敵國相伐又非君之討臣而於戰陳

之例別立此名彼傳復云如二君故曰克故具迹叔

段之事以充之凡例乃是舊典非獨為段發故云叔

段之比釋例覆而敗之曰取某師覆謂威力兼備

與此盡同覆

若羅網所掩覆一軍皆見禽制故以取為文謂至

為文○正義曰取謂盡取無遺漏之意也哀九年宋

皇瑗取鄭師于雍丘傳稱皇瑗圍鄭師每日遷舍壘

合鄭師哭是自知盡死無逃逆之路也又曰使有能

者無死是其合軍之內死生在宋也取狀如此而云

覆而敗之知其如羅網掩覆一軍皆見禽制故以取

為文服虔云覆隱也設伏而敗之謂攻其無備出其

不意敵人不知敗之易故曰取即如服言與未陳何
 異而別以為例謂之取也荀吳敗狄于太原於越敗
 吳于橋李並攻其無備出其不意而經不言取鄭二
 公子敗燕師于北制鄭人大敗戎師是設伏敗之而
 傳不言取服謂此為取何也宋圍鄭師壘合
 而哭自知必敗非敵人不知而書取何也

曰王師敗績于某國王者無敵於天下天下非所得

與戰者然春秋之世據有其事事列於經則不得不

因申其義有時而敗則以自敗為文明天下莫之得

校○京師敗本或作京師敗績者非校音教此亦周公舊凡杜解舊凡

之意得有王師敗績者以周公制禮理包盛衰故周

禮載大喪及王師不功之事故舊凡例有敗績之文

杜以尊卑逆順言之天王不應有戰敗之事遂申說

凡例故云無敵於天下天下非所得與戰者然春秋

之世據有其事成元年王師敗績于茅戎是事列於
經丘明不得不因申舊凡之義蘇氏之說義亦如此
沈氏不解杜意以京師敗績非周公舊凡是孔子新
意丘明為傳不得不因申孔子新意之義劉炫亦不

達杜旨謂杜與
沈氏意同非也 ○秋宋大水公使弔焉曰天作淫雨

害於粢盛若之何不弔
不為天所愍弔對曰孤實

不敬天降之災又以為君憂拜命之辱
謝辱厚命

臧文仲曰宋其興乎
臧文仲魯大夫禹湯罪已其

興也悖焉
悖盛貌 一作勃同 桀紂罪人其亡也

忽焉
忽速貌 ○紂直 禹湯罪已桀紂罪人 ○正
久反 義曰湯誥云其爾萬方有

罪在予一人是罪已也泰誓數紂之罪云焚炙忠良
剝剔孕婦是罪人也禹桀之時書多亡矣固亦應有

此事沈引帝王世紀云禹見罪人下車且列國有凶泣之是罪已也桀殺關龍逢是罪人也

稱孤禮也

國

列國諸侯無凶則常稱寡人

國

列國至寡人

○正義曰列國謂大國也曲禮曰庶方小侯自稱曰孤諸侯與民言自稱曰寡人其在凶服曰適子孤鄭

玄云與臣言亦自謂寡人是無言懼而名禮其庶乎凶則常稱寡人有凶則稱孤也

言懼罪已名禮稱孤其庶庶幾於興

○言懼而名禮絕句或以

者非

名絕句

既而聞之曰公子御說之辭也

國

宋莊公子

○御魚呂反本或作禦說音悅

臧孫達曰是宜為君有恤民之心

國

既而至之心○正義曰謂御說明年為君之後方始聞之聞之時已為君故云是人宜其為君也傳以御

說有禮故以此言實之

○冬齊侯來逆共姬

國

齊桓公也

○共音恭

○乘丘之役國在十年公以金僕姑射南宮長萬國

金僕姑矢名南宮長萬宋大夫○射食亦反國長丁丈反國僕姑國金

矢名○正義曰用之射人必知是矢其名僕姑其義未聞公右歛孫生搏之國搏

取也不書獲萬時未為卿○歛市專國搏音博國搏之○正義

曰檀弓云魯莊公及宋人戰于乘丘縣賁父御卜國為右車右與此不同者禮記後人所錄聞於所聞之

口其事未必實也案傳云公子偃先犯宋師公從而大敗之則本非交戰禮記稱馬驚敗績公隊佐車授

綏御與車占皆死之必如記言則是魯師敗績安得稱公敗宋師于乘丘傳記不同固當記文妄耳

人請之宋公斫之國戲而相愧曰斫魯聽其得還○斫

居觀反服云恥國戲而相愧曰斫至得還○正義而惡之曰斫國曰服虔云恥而惡之曰斫傳稱宋

人請之若是恥惡其人不應為之請魯故杜以為戲而相愧曰靳鄭玄註禮記儒行云遭人名為儒而以儒靳故相戲俗有靳故之語知是戲而相愧之名也公羊傳以為宋萬與閔公博婦人皆在側萬曰甚矣魯侯之淑魯侯之美閔公矜此婦人妬其言曰此虜也魯侯之美惡乎至何休云惡乎至猶何所至萬怒搏閔公絕其脰是其靳之事也曰始吾敬子今子魯囚也吾弗敬子

矣病之

○

萬不以為戲而以為已病為宋萬弑君傳

經十有二年春王三月紀叔姬歸于鄆

○

無傳紀侯去

國而死叔姬歸魯紀季自定於齊而後歸之全守節

義以終婦道故繫之紀而以初嫁為文賢之也來歸

不書非寧且非大歸

○鄆

○

紀侯至大歸○正義音攜曰公羊傳曰其言歸于

鄙何隱之也何隱爾其國亡矣徒歸于叔爾穀梁傳曰其曰歸何吾女也夫國喜得其所故言歸焉爾杜畧取彼意為說釋例與此盡同大意以其賢愍其國亡乃依附於叔故書之耳

夏四月

秋八月甲午宋萬弒其君捷及其大夫仇牧

捷閔公

不書葬亂也萬及仇牧皆宋卿仇牧稱名不警而遇

一賊無善事可褒

○警居
○隱 捷閔至可褒
○正義 曰領反 十一年公羊傳曰君弒

臣不討賊非臣也子不復讐非子也葬生者之事也春秋君弒賊不討不書葬以為不繫乎臣子也左氏無此義故杜明之不書葬為亂故也凡葬魯不會則不書若使宋亂不葬魯本無可會之理兼見此義故言亂也萬及仇牧並名見於經知皆卿也萬不書氏者釋例曰宋萬賈氏以為未賜族案傳稱南宮長萬

則為已氏南宮不得為未賜族也推尋經文自莊公
 以上諸弑君者皆不書氏閔公以下皆書氏亦足明
 時史之異同非仲尼所皆貶也是杜意以為史有詳
 畧無義例也文八年宋人殺其大夫司馬傳曰司馬
 握節以死故書以官然則有善可褒當變文以見義
 此仇牧書名不警而遇賊無善可褒故不變其文公
 羊善其不畏疆禦
 故言此以異之

冬十月宋萬出奔陳例在宣十年

傳十二年秋宋萬弑閔公于蒙澤蒙澤宋地梁國

有蒙縣

蒙澤至蒙縣正義曰昭十三年楚弑其君虔于乾谿書地此弑閔公于蒙澤不

書地者釋例曰先儒旁采二傳橫生異例宋之蒙澤
 楚之乾谿俱在國內閔公之弑則以不書蒙澤國內
 為義楚弑靈王復以地乾谿為失所明仲尼本不以
 為義例則丘明亦無異文也是亦言史自詳畧無義

例也遇仇牧于門批而殺之手批之也
○批音迷反
又蒲穴反字

林云擊也遇大宰督于東宮之西又殺之殺督不

父節反書宋不以告○大音泰立子游子游宋公子

○正義曰世族譜子游羣公子奔蕭公子御說奔亳

蕭宋邑今沛國蕭縣亳宋邑蒙縣西北有亳城亳

步各反南宮牛猛獲帥師圍亳牛長萬之子猛獲其

黨一○冬十月蕭叔大心叔蕭大夫名

○正義曰卿大夫采邑之長則謂之宰公邑之長則曰大夫此則是宋蕭邑大夫也以此年有功宋人以

蕭邑別封其人為附庸二十三年經書及戴武宣穆蕭叔朝公附庸例稱名故杜以叔為名

莊之族國宋五公之子孫以曹師伐之殺南宮牛于

師殺子游于宋立桓公國桓公御說猛獲奔衛南宮

萬奔陳以乘車輦其母一日而至國乘車非兵車駕

人曰輦宋去陳二百六十里言萬之多力○南宮萬奔陳本或

作長萬長衍字也下亦然乘繩證反註同宋人請猛獲于衛衛人欲勿與

石祁子曰不可國石祁子衛大夫天下之惡一也惡

於宋而保於我保之何補得一夫而失一國與惡而

棄好非謀也國宋衛本同好國○好呼報反註同衛人歸之

亦請南宮萬于陳以賂國于陳以賂○正義曰斷以賂為句言用賂請于陳也

請猛獲于衛不言以賂蓋於衛無賂

陳人使婦人飲之酒而以犀革裹

之比及宋手足皆見宋人皆醢之

註

醢肉醬并醢猛

獲故言皆

亦請南宮長萬於陳以賂絕句飲於媯反犀音西裏音果比必利反見賢遍反醢

音海

經十有三年春齊侯宋人陳人蔡人邾人會于北杏

註

北杏齊地

○杏戶猛反

夏六月齊人滅遂

註

遂國在濟北蛇丘縣東北

○蛇音移

秋七月

冬公會齊侯盟于柯

註

此柯今濟北東阿齊之阿邑猶

祝柯今為祝阿 ○柯古何反

傳十三年春會于北杏以平宋亂 宋有弑君之亂

齊桓欲修霸業 宋有至霸業○正義曰桓二年會于稷以成宋亂者為會之意欲

平除宋督弑君之賊此云平宋亂者宋萬已誅宋新立君其位未定齊桓欲修霸業為會以安定之非欲

平除新君故宋人聽命來列於會也 遂人不至 ○夏齊人滅遂而戍之

戍守也 ○冬盟于柯始及齊平也 始與齊桓通

好 ○好呼報反 ○宋人背北杏之會 ○背音佩十年經註同

經十有四年春齊人陳人曹人伐宋 背北杏會故

夏單伯會伐宋 既伐宋單伯乃至故曰會伐宋單伯

周大夫

疏

既伐至大夫。正義曰：傳稱諸侯伐宋，齊請師于周，則伐事已成。單伯始至，故云。

會伐宋言來就宋地會之也。元年註云：單伯天子卿也。此云周大夫者，大夫亦卿之總號，故兩言之。

秋七月荆入蔡

疏

入例在文十五年

冬單伯會齊侯宋公衛侯鄭伯于鄆

疏

鄆衛地今東郡

甄城也。齊桓修霸業卒，平宋亂，宋人服從，欲歸功天

子故赴以單伯會諸侯為文

○于鄆音絹，甄城音絹。音真，或音旃，又舉然。

反或作鄆

疏

單伯至于鄆。正義曰：春秋因魯史之文，魯史自書其事。會他國者皆言已往，會之不問

君之與臣，會諸侯者皆魯人在會字之上。若微人往會，則會上無字，直言其會，明魯往會之微人不合書

名書其所為之事而已。十六年會齊侯宋公陳侯衛侯鄭伯許男滑伯滕子同盟于幽，是也。若魯人不與

而諸侯自會則并序諸侯言會于某十五年齊侯宋公陳侯衛侯鄭伯會于鄆是也雖霸主召會諸侯霸主之身列在諸侯之上耳不言霸主會諸侯以其俱是王臣不得與諸侯為主故也若霸主之國遣大夫往會諸侯雖政在霸國大夫名列諸侯之下由非諸侯之主列位從其班爵文十四年公會宋公陳侯衛侯鄭伯許男曹伯晉趙盾同盟于新城是也若王臣在會不問尊卑皆列諸侯之上僖八年公會王人齊侯宋公衛侯許男曹伯陳世子款盟于洮九年公會宰周公齊侯宋子衛侯鄭伯許男曹伯于葵丘是也此會魯人不與單伯宜列在諸侯之上下言會于鄆耳今會字乃在齊侯之上是齊桓歸功天子故赴以單伯會諸侯為文所以尊天子示名義也此會魯自己不與魯所與者皆魯人在上史文以魯為主耳當會之時以大小為序魯不在上也釋例曰魯為春秋主常列諸侯上非其實次也子昂卿也依魯大夫之比列於莒上故傳曰魯故也叔孫豹曰宋衛吾匹也又曰諸侯之會寡君未嘗後衛君是魯在衛上也宋既

先代之後又襄公一合諸侯以紹齊桓之伯宋在齊上則魯次宋也

傳十四年春諸侯伐宋齊請師于周齊欲崇天子

故請師假王命以示大順經書人傳諸侯者總眾國

之辭齊欲至之辭正義曰齊既以諸侯伐宋而更請師于周者齊桓始修霸業方欲尊崇

天子故請師假王命以示大順耳非慮伐不克而藉王威也經書人而傳言諸侯先儒以為諸如此輩皆

是諸侯之身釋例曰傳滅人例諸侯燬滅邢同姓故名又云穀伯綏鄧侯吾離來朝名賤之也又云不書

蔡許之君乘楚車也謂之失位此皆貶諸侯之例例不稱人也諸侯在事傳有明文而經稱人者凡十一

條丘明不示其義而諸儒皆據案生意原無所出貶諸侯而去爵稱人是為君臣同文非正等差之謂也

又澶淵大夫之會傳曰不書其人案經皆去名稱人至諸侯親城緣陵傳亦曰不書其人而經總稱諸侯

此大夫及諸侯經傳所以為別也通按春秋自宣公五年以下百數十年諸侯之咎甚多而皆無貶稱人者益明此蓋當時告命記註之異非仲尼所以為例故也是言諸侯之貶或書名或沒而不書必不得稱人故以此經書人傳言諸侯為總眾國之辭僖元年齊師宋師曹師救邢於例將卑師眾稱帥則三國皆大夫帥也傳稱諸侯救邢亦夏單伯會之取成于宋是總眾國之辭與此同也

而還○鄭厲公自櫟侵鄭櫟音歷厲公以桓十五年入櫟

遂居之音歷及大陵獲傅瑕大陵鄭地傅瑕鄭大

夫傅瑕曰苟舍我吾請納君與之盟而救之六月甲

子傅瑕殺鄭子及其二子而納厲公鄭子莊四年

稱伯會諸侯今見殺不稱君無諡者微弱臣子不以

君禮成喪告諸侯

○舍音捨
鄭子子儀

初內蛇與外蛇鬪於鄭

南門中內蛇死六年而厲公入

國

六年入○正義曰
服虔云蛇北方水

物水成數六故
六年而厲公入

公聞之問於申繻曰猶有妖乎對曰

人之所忌其氣燄以取之妖由人興也

國

尚書洛誥

無若火始燄燄未盛而進退之時以喻人心不堅正

○蛇市奢反繻音須妖於
驕反燄以音豔誥古報反

人無釁焉妖不自作人棄

常則妖興故有妖

國

猶有至有妖○正義曰公聞厲
公之入問於申繻曰猶有蛇妖

而厲公得入乎古者由猶二字義得通用申繻對公
曰人之所忌謂子儀畏懼厲公心不堅正其畏忌之
氣燄燄未盛而進退之時以取此妖來應人也蛇鬪
之事由人興也若使人無釁隙焉則妖孽不能自作

人棄其常則妖自興以此故有妖棄
常謂既不能彊又不能弱失常度也
厲公入遂殺傅

瑕使謂原繁曰傅瑕貳言有二心於已
○釁許
周

有常刑既伏其罪矣納我而無二心者吾皆許之上

大夫之事吾願與伯父圖之上大夫卿也伯父謂

原繁疑原繁有二心且寡人出伯父無裏言無納

我之言裏音里人又不念寡人不親附已寡人憾焉

對曰先君桓公命我先人典司宗祏桓公鄭始受

封君也宗祏宗廟中藏王石室言已世為宗廟守臣

○憾戶暗反祏音石藏
王石函也守手又反
桓公初封西鄭蓋其畿內

之國周禮王子母弟有功者得立祖王之廟故祖公始封爲君卽命臣使典宗祫宗祫者慮有非常火災於廟之北壁內爲石室以藏木主有事則出而祭之既祭納於石室祫字從示神之也 社稷有

主而外其心其何貳如之苟主社稷國內之民其誰不爲臣臣無二心天之制也子儀在位十四年矣

子儀鄭子也而謀召君者庸非貳乎庸用也莊公

一之子猶有八人若皆以官爵行賂勸貳而可以濟事

君其若之何臣聞命矣乃縊而死

子忽子亶子儀並死獨厲公在八人名字記傳無聞縊一賜反 ○蔡哀侯爲莘故繩

息媯以語楚子 莘役在十年繩譽也 ○爲莘于僞反下所巾反

語魚據反繩食承反說文作繩譽音餘又如字繩譽也○正義曰字書繩作繩字從言訓為譽

楚子如息以食入享遂滅息偽設享食之具○音嗣

註同以息媯歸生堵敖及成王焉未言未與王言堵

敖丁古反下五羔反杜云楚人謂未成君為敖史記作杜敖楚子問之對曰吾一

婦人而事二夫縱弗能死其又奚言楚子以蔡侯滅

息遂伐蔡欲以說息媯○說音悅秋七月楚入蔡君子

曰商書所謂惡之易也如火之燎于原不可鄉邇其

猶可撲滅者其如蔡哀侯乎商書盤庚言惡易長

而難滅○易以鼓反註同燎力召反又力弔反鄉許亮反撲普卜反盤步丹反本又作般長丁丈

反 ○冬會于鄆宋服故也

經十有五年春齊侯宋公陳侯衛侯鄭伯會于鄆

夏夫人姜氏如齊國無傳夫人文姜齊桓公姊妹父母

在則禮有歸寧沒則使卿寧疏夫人至卿寧 ○正義曰文姜僖公之女

故為桓公姊妹詩美后妃之德云歸寧父母是父母

在則禮有歸寧襄十二年傳曰秦嬴歸于楚楚司馬

子庚聘於秦為夫人寧禮也是父母沒則使卿寧兄

弟不得自歸也但不知今桓公有母以否故杜不明

言得

失

秋宋人齊人邾人伐郕國

宋主兵故序齊上 ○郕五

今反

鄭人侵宋

冬十月

傳十五年春復會焉齊始霸也

註

始為諸侯長

○復扶又

反長丁
丈反

○秋諸侯為宋伐郕

註

郕附庸屬宋而叛故

齊桓為之伐郕

○為宋
于偽反

○鄭人間之而侵宋

○間間
廁之間

一本
作闡

經十有六年春王正月

夏宋人齊人衛人伐鄭

註

宋主兵也班序上下以國大

小為次征伐則以主兵為先春秋之常也他皆放此

註

宋主至放此○正義曰往年齊桓始霸未敢即
尸其任救患討罪今為宋伐鄭仍使宋自報怨故

宋主兵序於齊上也諸侯會許男在曹滑之上班序上下以國大小爲次不以爵之尊卑也隱五年邾人鄭人伐宋附庸在伯爵之上是以主兵爲先也歷檢上下皆然知是春秋常法禮記祭義云有虞氏貴德而尚齒夏后氏貴爵而尚齒殷人貴富而尚齒周人貴親而尚齒而春秋序會不先同姓而大國在上者孔子修春秋有變周之文從殷之質故也

秋荆伐鄭

冬十有二月會齊侯宋公陳侯衛侯鄭伯許男滑伯滕

子同盟于幽

圖

書會魯會之不書其人微者也言同

盟服異也陳國小每盟會皆在衛下齊桓始霸楚亦始疆陳侯介於二大國之間而爲三恪之客故齊桓

因而進之遂班在衛上終於春秋滑國都費河南緱

氏縣幽宋地

○介音界為三恪苦各反本或作為三恪之客費扶味反又音祕緱古侯反一

音苦

何

書會至宋地○正義曰公羊傳曰同盟者侯反何同欲也穀梁傳曰同者同尊周也杜云服

異者亦是同其欲同尊周也書同盟者當盟之時告神稱同釋例曰盟者假神明以要不信故載辭或稱

同以服異為言也是言載辭稱同也二十七年同盟于幽傳曰陳鄭服也文十四年同盟于新城傳曰從

於楚者服且謀邾也成五年同盟于蟲牢傳曰鄭服也七年同盟于馬陵傳曰尋蟲牢之盟且莒服故也

襄三年同盟于雞澤傳曰晉為鄭服故合諸侯二十五年同盟于重丘傳曰齊成故也昭十三年同盟于

平丘傳曰齊服也如此之類皆是服異故稱同也喪服繼父不同居傳曰嘗同居乃為異居未嘗同居則

不為異居春秋同盟亦猶是也嘗同盟而異乃稱服異未嘗同盟則不為服異故盟不稱同也僖二年齊

侯宋公江人黃人盟于貫傳曰服江黃也定四年陳許頓胡楚之屬國皆來會于召陵其下云公及諸侯盟于皐鼬二盟並不稱同皆爲未嘗同盟非服異故不稱同也應稱同而不稱同者僖五年首止之盟鄭伯逃歸七年盟于甯母鄭伯使太子華聽命於會而不稱同者鄭心未服故傳稱子華請去三族管仲曰君其勿許鄭必受盟是甯母之時鄭未服也八年盟于洮鄭伯乞盟傳稱請服也而洮盟不稱同者鄭伯始請服耳未列於會故不稱同也文十五年夏晉郤缺帥師伐蔡戊申入蔡其冬諸侯盟于扈傳稱晉侯宋公衛侯蔡侯陳侯鄭伯許男曹伯盟于扈則是蔡新來服不稱同者傳稱郤缺入蔡以城下之盟而還是則蔡已先服故不稱同也宣十二年同盟于清丘傳曰恤病討貳十七年同盟于斷道傳曰討貳也成九年同盟于蒲傳曰爲歸汶陽之田故諸侯貳於晉晉人懼會於蒲以尋馬陵之盟十五年同盟于戚傳曰討曹成公也十七年同盟于柯陵傳曰尋戚之盟也十八年同盟于虛朶傳曰謀救宋也此六盟皆非

服異稱同盟者清丘斷道與蒲於時諸侯已有二心
 同心討貳故稱同盟戚與虛村同心疾惡故稱同盟
 柯陵之盟鄭人不服欲令諸侯同心伐鄭故稱同盟
 猶襄十八年諸侯同心疾齊稱同盟齊自此以前陳
 在衛下今在上知齊桓始進之釋例班序譜自隱至
 莊十四年四十三歲衛與陳凡四會衛在陳上自莊
 十五年盡僖十七年三十五歲凡八會陳在衛
 上故知是齊桓進之遂班在衛上終於春秋也

邾子克卒

國

無傳克儀父名稱子者蓋齊桓請王命以

為諸侯再同盟

國

克儀至同盟○正義曰北杏之

侯請王命以為諸侯得為子爵見經也隱元年盟于蔑桓十七年盟于越是再同盟也

傳十六年夏諸侯伐鄭宋故也

國

鄭侵宋故

○宋故也本或

作為宋故

○鄭伯自櫟入

國

在十四年緩告于楚秋楚伐

鄭及櫟為不禮故也鄭伯治與於雍糾之亂者註在

桓十五年

○為子偽反與音預

九月殺公子闕別強鉏註

二子

祭仲黨斷足曰別

○公子闕安未反案隱十一年鄭有公孫闕距此三十五年不容復

有公子闕若非闕字誤則子當為孫別

音月又五刮反鉏仕魚反斷丁管反

二子至

義曰周禮司刑別罪五百尚書呂刑荆罰之屬五百孔安國云別足曰荆釋言云躄別也李巡曰斷足曰

別也說文云別絕也則刑別是斷絕之名斬足之罪故云斷足曰別

公父定叔出奔衛

註共叔段之孫定諡也

○父音甫王音如字共音恭

三年而復之

曰不可使共叔無後於鄭使以十月入曰良月也就

盈數焉

註數滿於十

註

滿於十○正義曰易繫辭云天一地二天三地四天五

地六天七地八天九地十至十而止是數滿於十也
 閔元年傳曰萬盈數也數至十則小盈至萬則大盈
 傳具載定叔事者服虔云定叔之祖共叔段有伐君
 之罪宜世不長而云不可使共叔無後於鄭言其刑
 之偏頗鄭厲公以孽篡適同惡相恤故黨
 於共叔欲令其後不絕傳所以惡厲公也 君子謂強

鉏不能衛其足 **言其不能早辟害** ○冬同盟于幽

鄭成也 ○王使虢公命曲沃伯以一軍為晉侯 **曲**

沃武公遂并晉國僖王因就命為晉侯小國故一軍

○并如字 **曲沃至一軍** 正義曰桓八年傳稱
 王必政反 **曲沃武公滅翼** 其年冬王命虢仲立晉
 哀侯之弟緡于晉至是乃并之也晉世家云曲沃武
 公伐晉侯緡滅之盡以其寶器賂獻於周僖王僖王
 命曲沃武公為晉君列為諸侯於是盡并晉地而有
 之曲沃武公已即位三十七年矣自桓叔始封曲沃

以至武公滅晉凡六十七歲而卒代晉為諸侯是僖王命之事也周禮小國一軍晉土地雖大以初并晉國故以小國之禮命之

初晉武公伐夷執夷詭諸夷詭諸周

大夫夷采地名

○詭九委反采七代反後放此

為國請而免之為

國周大夫

○為于委反

既而弗報

詭諸不報施於為國

為

○施始

故子國作亂謂晉人曰與我伐夷而取其地

使晉取夷地遂以晉師伐夷殺夷詭諸周公忌父

出奔虢

周公忌父王卿士辟子國之難

○難乃且反

惠

王立而復之

魯桓十五年經書桓王崩魯莊三年

經書葬桓王自此以來周有莊王又有僖王崩葬皆

不見於經傳王室微弱不能復自通於諸侯故傳因

周公忌父之事而見惠王惠王立在此年之末○不見賢

遍反下同復○魯桓至之末○正義曰史記十二

有扶又反○諸侯年表云莊王元年當魯桓十六

年即位十五年而崩僖王元年當魯莊十三年即位

五年而崩惠王元年當魯莊十八年即位在此年

而此年傳說惠王之立者杜云傳因周公忌父之事

而見惠王立在此年之末是杜以周公忌父此年出

奔至惠王立而得

復與史記不違

經十有七年春齊人執鄭詹○齊桓始伯鄭既伐宋又

不朝齊詹為鄭執政大臣請齊見執不稱行人罪之

也行人例在襄十一年諸執大夫皆稱人以執之大

夫賤故

○詹之廉反始伯音霸又如字本又作霸

義

曰僖七年傳曰鄭

有叔詹堵叔師叔先言詹是詹最貴也且傳稱鄭不朝也以君不朝而詹被執明詹是執政大臣為不道君使朝故執之也若詹不至齊則無由被執知是詣齊見執蓋聘齊也昭八年楚人執陳行人于微師殺之傳曰罪不在行人也無罪乃稱行人知不稱行人罪之也襄十一年楚人執鄭行人良霄傳曰書曰行人言使人也言使人者言非使人之罪也書曰者是仲尼新意故指以為例也執諸侯有稱人稱侯之異執大夫者悉皆稱人以執之為大夫賤故也劉炫以此註云詣齊見執釋例曰詹本非出使謂二者自相矛楯今知非者齊以鄭不朝而責於鄭鄭令詹請齊謝罪齊人執之故釋例云元非出聘之使集解云詣齊被執二文雖異事實同耳劉炫不尋此意乃為規過非也

夏齊人殲于遂

訓

殲盡也齊人戍遂翫而无備遂人討

夏而盡殺之故時史因以自盡為文○穢子廉反翫五亂反而盡津忍反

穢 穢盡至為文○正義曰穢盡也釋詁文舍人曰穢眾之盡也時史惡其輕敵而以自盡為文罪齊

戍也釋例曰齊人穢于遂鄭棄其師亦時史即事以安文或從赴辭故傳亦不顯明義例也

秋鄭詹自齊逃來○無傳詹不能伏節守死以解國患

而遁逃苟免書逃以賤之○遁徒遜反詹不至賤之

守死以解國患當如昭元年叔孫豹之居位待罪也逃若匹夫逃竄故云書逃以賤之鄭詹自齊逃來過

魯而後歸鄭故書之

冬多麋○無傳麋多則害五稼故以災書○麋亡悲反

多至災書○正義曰麋是澤獸魯所常有是年暴多多則害五稼故言多以災書也

傳十七年春齊人執鄭詹鄭不朝也○夏遂因氏領

氏工婁氏須遂氏饗齊戍醉而殺之齊人殲焉○饗

酒食也四族遂之疆宗齊滅遂戍之在十三年○領

反又苦答反婁力

侯反饗本作享

經十有八年春王三月日有食之○無傳不書日官失

之○不書日官失之○正義曰經亦無朔字當云不書朔與日註不言朔脫也

夏公追戎于濟西○戎來侵魯公逐之於濟水之西

秋有戴○戴短弧也蓋以含沙射人為災○戴本又作

謂之射工短弧本又作斷同丁管

反弧又作狐音胡射人食亦反○正義曰穀梁

傳曰載射人者也洪範五行傳曰載如鼈三足生於南越南越婦人多淫故其地多載淫女惑亂之氣所生也陸璣毛詩義疏云載短弧也一名射景如鼈三足在江淮水中人在岸上景見水中投人景則殺之故曰射景或謂含沙射人入皮肌其創如疥服虔云編身濩濩或或故為災沈氏云此有載傳重發例者以螟螽與蜚同是害禾稼此載則害人故傳特發之

冬十月

傳十八年春虢公晉侯朝王王饗醴命之宥王王之

觀羣后始則行饗禮先置醴酒示不忘古飲宴則命

以幣物宥助也所以助勸敬之意言備設宥音又

禮音禮王之至備設○正義曰王饗醴命之宥者王為之設饗醴置醴酒命之以幣物所以助勸也宥助

釋註又周禮掌客王待諸侯之禮上公三饗三食三燕侯伯二饗再食再燕子男壹饗壹食壹燕三禮先言饗是王之覲羣后始則行饗禮也酒正辨五齊之名一曰泛齊二曰醴齊三曰盎齊四曰醕齊五曰沈齊鄭註云泛者成而滓浮泛泛然醴猶躄也成而汁滓相將如今恬酒矣盎猶翁也成而翁翁然蔥白色緹者成而紅赤沈者成而滓沈如今造清矣自醴以上尤濁然則以其尤濁故先置之示不忘古也知者禮運云燔黍捭豚下卽云以燔以炙以爲醴酪是醴酒在先而有故云先置醴酒示不忘古也詩序曰鹿鳴燕羣臣嘉賓也旣飲食之又實幣帛筐篚以將其厚意聘禮云若不親食使大夫朝服致之以侑幣致饗以酬幣亦如之是饗禮有酬幣也禮主人酌酒於賓曰獻賓答主人曰酢主人又酌以酬賓曰酬幣蓋於酬酒之時賜之幣也所賜之物卽下玉馬是也傳稱饗醴命宥言其備設盛禮也此註命之宥者命在下以幣物宥助僖二十八年命晉侯助以束帛以將厚意皆命不同者以彼有命晉侯之事故也皆

賜玉五穀馬三匹非禮也

註

雙玉為穀

○穀音角字又作珏

疏

註雙玉為穀○正義曰倉頡篇穀作珏雙玉為穀故字從兩玉

王命諸侯名位不同

禮亦異數不以禮假人

註

侯而與公同賜是借人禮

○借子夜反

註

稱公謂為三公也周禮王之三公入命侯

伯七命是其名位不同也其禮各以命數為節是禮亦異數也今侯而與公同賜是借人禮也假借同義

取者假為上聲借為入聲與者假借皆為去聲

○號公晉侯鄭伯使原莊公

逆王后于陳陳媯歸于京師

註

號晉朝王鄭伯又以

齊執其卿故求王為援皆在周倡義為王定昏陳人

敬從得同姓宗國之禮故傳詳其事不書不告

○為王于

偽反實惠后國陳媯後號惠后寵愛少子亂周室事在

僖二十四年故傳於此並正其后稱○夏公追戎于

濟西不言其來諱之也國戎來侵魯魯人不知去乃

追之故諱不言其來國戎來至其來○正義曰傳

來也魯人不知宜無鐘鼓故以侵言之釋例曰戎之

入魯魯人不知去而遠追又無其獲邊竟不備候不

在疆所以為諱諱此君之闕國秋有畝為災也○初

楚武王克權使鬬緡尹之國權國名南郡當陽縣東

南有權城鬬緡楚大夫國緡亡鬬緡尹之○正義

多以尹為名此滅權為國以叛圍而殺之國緡以權叛

○以叛絕句本
或作昨俗字也

遷權於那處

○

那處楚地南郡編縣

東南有那口城

○那處那又作期同乃多反下昌呂
反又昌慮反編必綿反一音步典反

使閻敖尹之

○

閻敖楚大夫及文王即位與巴人伐

申而驚其師

○

驚巴師巴人叛楚而伐那處取之遂

門于楚

○

攻楚城門閻敖游涌而逸

○

涌水在南郡

華容縣閻敖既不能守城又游涌水而走

○涌音
勇水名

楚

子殺之其族為亂冬巴人因之以伐楚

經十有九年春王正月

夏四月

秋公子結媵陳人之婦于鄆遂及齊侯宋公盟

註

無傳

公子結魯大夫公羊穀梁皆以為魯女媵陳侯之婦

其稱陳人之婦未入國畧言也大夫出竟有可以安

社稷利國家者則專之可也結在鄆聞齊宋有會權

事之宜去其本職遂與二君為盟故備書之本非魯

公意而又失媵陳之好故冬各來伐

○媵以證反又繩證反送也竟

音境好

註

公子至來伐○正義曰公羊傳曰媵者

呼報反何諸侯娶一國則二國往媵之媵不書此

何以書為其有遂事書大夫無遂事此其言遂何聘

禮大夫受命不受辭出竟有可以安社稷利國家者

則專之可也穀梁文雖不明其意亦為魯女左氏無

傳取彼為說故云公羊穀梁皆以為魯女媵陳侯之

婦穀梁傳曰其曰陳人之婦畧之也以未入國畧而不言陳侯夫人成九年伯姬歸于宋晉衛齊三國來媵然則爲人媵者皆送至嫁女之國使之從適而行此鄆是衛之東地蓋陳取衛女爲婦魯使公子結送媵向衛至鄆聞齊來爲會將謀伐魯故權事之宜去其本職不復送女至衛遂與二君會盟故備書之也送女至鄆停女會盟鄆是盟處故言于鄆非本期送女使至鄆也既盟之後遂不復送女其盟本非公意又失媵陳之好故至冬而三國來伐結之此盟於魯無益故無嘉善之文文八年冬十月壬午公子遂會晉趙盾盟于衡雍乙酉公子遂會雜戎盟于暴四日之間不容反報亦是專命而盟患難俱解故再稱名氏珍而貴之與此異也宣十二年宋華椒承羣僞之言以誤其國宋人被伐而貶華椒今三國伐魯不貶公子結者結之爲盟本欲安社稷利國家與華椒事異故不貶

夫人姜氏如莒

國

無傳非父母國而往書姦

疏

至書姦

○正義曰此既無傳不知何為如
苦婦人不以禮出為姦故曰書姦

冬齊人宋人陳人伐我西鄙無傳幽之盟魯使微者

會鄆之盟又使媵臣行所以受敵鄙邊邑

傳十九年春楚子禦之大敗於津禦巴人為巴人

所敗津楚地或曰江陵縣有津鄉還鬻拳弗納遂伐

黃鬻拳楚大闞黃嬴姓國今弋陽縣○鬻音育拳
求圓及闞音

昏守門人也嬴音盈姓也字從女○正黃嬴姓敗黃師于踣陵

踣陵黃地○踣在亦反還及湫有疾南郡都縣

東南有湫城○湫子小夏六月庚申卒鬻拳葬諸夕

室

夕室地名

○夕朝夕之夕

亦自殺也而葬於經皇

經

皇家前闕生守門故死不失職

○經田結反

經皇至

失職

○正義曰鬻拳自殺以殉當是近墓之地宣十四年傳稱楚子聞宋殺申舟投袂而起屨及於室皇

劍及於寢門之外則室皇近於門外當是寢門闕也

知此經皇亦是冢前闕也且此人生為大闕職掌守

門明此亦是守門示死不失職也餘

初鬻拳強諫楚

書無經皇之名蓋唯楚有此號也

子楚子弗從臨之以兵懼而從之鬻拳曰吾懼君以

兵罪莫大焉遂自刎也楚人以為大闕謂之大伯

若今城門校尉官

○強其丈反大伯音泰校戶教反字徒木

以為大闕謂之大伯

○正義曰周禮天官闕人掌審禁之中門之禁鄭玄云闕人司昏晨以啓閉者刑人暑春使守門秋官

掌戮墨者使守門別者使守圍則關不使刑而鬻拳
得為關者周禮地官之屬有司門下大夫二人掌授
管鍵以啓閉國門鄭玄云若今城門校尉官然則鬻拳本是大
二門此註亦云若今城門校尉官然則鬻拳本是大
臣楚人以其賢而使典此職非為刑而役之其為大
關者當如地官之司門非天官之關人亦主晨昏開
閉通以關為名焉謂之大
伯伯長也為門官之長也
使其後掌之
使其子孫
常主此官君子曰鬻拳可謂愛君矣諫以自納於刑

刑猶不忘納君於善
言愛君明非臣法也楚能盡

其忠愛所以興
何休膏肓云人臣諫君非有死亡

之急而以兵臨君開纂弑之路左氏以為愛
君於義左氏為短故註言此以釋何休之難
○初王

姚嬖于莊王生子頹
王姚莊王之妾也姚姓也
姚

羊消反雙必計子頹有寵為國為之師及惠王即位

圍 周惠王莊王孫取為國之圍以為圍 **圍** 圍園也

苑也 **圍** 又徐于自反苑於阮反 **圍** 圍園也 **圍** 圍苑也

云園圃毓草木鄭玄云樹果菘曰圃園其樊也詩云折柳樊圃成十八年築鹿圃然則圃以蕃為之所以

樹果菘圃則築牆為之所以養禽獸二者相類故取圃為圍 邊伯之官近於王宮

王取之 **圍** 邊伯周大夫 **圍** 近附 王奪子禽祝跪與詹

父田 **圍** 三子周大夫 **圍** 跪求而收膳夫之秩 **圍** 膳夫

石速也秩祿也 **圍** 收式 故為國邊伯石速詹父子禽

祝跪作亂因蘇氏 **圍** 蘇氏周大夫桓王奪其十二邑

以與鄭自此以來遂不和○秋五大夫奉子頹以伐

王石速士也故不在五大夫數不克出奔溫

蘇氏邑蘇子奉子頹以奔衛衛師燕師伐周燕南

燕○冬立子頹

經二十年春王二月夫人姜氏如莒無傳

夏齊大災無傳來告以大故書天火曰災例在宣十

六年來告至六年○正義曰襄九年三十年宋災昭九年陳災十八年宋衛陳鄭災皆不言

大知此來告以大故書大也

秋七月

春火流

卷之九 二十五

春秋

冬齊人伐戎無傳

傳二十年春鄭伯和王室不克克能也執燕仲父

燕仲父南燕伯為伐周故
○為伐于僞
反下文同
父南燕

伯○正義曰譜亦云南燕伯爵
不知所出服虔亦云南燕伯爵
夏鄭伯遂以王歸王

處于櫟秋王及鄭伯入于郟郟王所取鄭邑
鳥苦

反遂入成周取其寶器而還冬王子頽享五大夫樂

及徧舞皆舞六代之樂
音遍
○正義曰言樂及

徧舞則樂之所有舞悉周徧故知皆舞六代之樂也
周禮大司樂以樂舞教國子舞雲門大卷大咸大磬

大夏大濩大武鄭玄云此周所存六代之樂也傳記
所說雲門大卷黃帝也大咸堯也大韶舜也大夏禹

也大漢湯也大武周武王也是為六代奏黃鐘歌大
呂舞雲門以祀天神奏大簇歌應鐘舞咸池以祭地
示奏姑洗歌南呂舞大磬以祀四望奏蕤賓歌林鐘
舞大夏以祭山川奏夷則歌中呂舞大濩以享先妣
奏無射歌夾鐘舞
大武以享先祖
鄭伯聞之見虢叔
虢叔公子曰

寡人聞之哀樂失時殃咎必至今王子頽歌舞不倦

樂禍也夫司寇行戮
司寇刑官
於度反下巨九反

君為之不舉
去盛饌
饌仕眷反
去盛饌
正義曰周禮

膳夫職曰王日一舉鼎十有二物皆有俎以樂侑食
大喪則不舉大荒則不舉大札則不舉天地有災則
不舉邦有大故則不舉鄭玄云殺牲盛饌曰舉襄二

十六年傳曰古之治民者將刑為之不舉不舉則徹

樂是不舉者貶
而況敢樂禍乎奸王之位禍孰大焉
膳食徹聲樂也

臨禍忘憂憂必及之蓋納王乎虢公曰寡人之願也

○奸音干盍胡獵反何不也

經二十有一年春王正月

夏五月辛酉鄭伯突卒註十六年與魯大夫盟于幽

秋七月戊戌夫人姜氏薨註無傳薨寢祔姑赴於諸侯

故具小君禮書之

○祔音附

註

薨寢至書之○正義曰經無所闕禮具可知杜為

此註者以先儒之說使莊公絕母子之親故於此明之知母子不絕下葬註亦然

冬十有二月葬鄭厲公註無傳八月葬緩慢也

傳二十一年春胥命于弭夏同伐王城註鄭虢相命

再鄭地○弭面鄭伯將王自圉門入虢叔自北門入

殺王子頹及五大夫鄭伯享王子闕西辟樂備闕

象魏也樂備備六代之樂○圍魚呂反辟蒲歷反闕象魏也○正義

曰定二年雉門及兩觀災註云兩觀闕也禮運云昔者仲尼與於蜡賓事畢出遊於觀之上鄭玄云觀闕

也釋宮云謂觀之闕郭璞云宮門雙闕周禮大宰正月之吉縣治象之法于象魏使萬民觀治象鄭玄云

象魏闕也哀三年魯災傳稱季桓子御公立于象魏之外命藏象魏曰舊章不可亡也由此言之則觀闕

象魏其事一也劉熙釋名云闕在門兩旁中央闕然為道也然則其上縣法象其狀巍巍然高大謂之象

魏使人觀之謂之觀也闕西辟者辟是旁側之語也服虔云西辟西偏也當謂兩觀之內道之西也王

與之武公之畧自虎牢以東畧畧界也鄭武公溥平

王平王賜之自虎牢以東後失其地故惠王今復與

之虎牢河南成臯縣

○復扶文反

經

畧界至臯縣○正義曰孟子云仁政必

自經界始昭七年傳曰天子經畧諸侯正封畧之內何非君土孟子經界即傳之經畧且云封畧之內

封是竟則知畧是界也武公東鄭之始封君也言武公之畧則是武公舊竟若其由來不失不須今日復

與故知後失其地惠王今復與之隱十一年王取鄆劉蔿邢之田于鄭蓋桓王之世失之也

原伯

曰鄭伯效尤其亦將有咎原伯原莊公也言效子

顏舞徧樂

○效戶敎反徧音遍

五月鄭厲公卒王巡虢守

巡

守於虢國也天子省方謂之巡守

○守音狩本或作狩後放此註同

經

巡守至巡守○正義曰孟子云諸侯朝天子曰述職天子適諸侯曰巡守守者守也言諸侯為天

一子守土天子時巡行之易稱后不

有方故云天子省方謂之巡守 虢公為王宮于玕

玕

玕號也 項反 玕蒲

王與之酒泉

酒

酒泉周邑鄭伯之

享王也王以后之鑿鑑予之

后

后王后也鑿帶而以

鑑為飾也今西方羌胡為然古之遺服

○鑿步于反 又蒲官反紳

帶也鑑工

是

是鏡也此與定六年傳皆鑿鑑雙言則

暫反鏡也

舉今羌胡之服以明之

虢公請器王子之爵

爵

飲酒器鄭伯由是始惡於王

為

為僖二十四年鄭執

王使張本

○惡鳥路反又

鄭

鄭公至於王○正義曰 鄭伯謂厲公子文公也

服虔云鑿鑑王后婦人之物非所以賜有功爵飲酒 器王爵也一升曰爵爵人之所貴者言鄭伯以其父

得賜不如號公為是始惡於王積而成
怨德二十四年遂執王使此為彼張本

○冬王歸自

號傳言王之偏也

經二十二年春王正月肆大眚

無傳赦有罪也易稱

赦過宥罪書稱眚災肆赦傳稱肆眚圍鄭皆放赦罪

人盪滌眾故以新其心有時而用之非制所常故書

○音所景反盪音蕩本又作蕩滌徒歷反赦有至故書○正義曰肆

大過是赦有罪也大罪猶赦則小罪亦赦之猶今赦
書大辟罪以下悉皆原免也易解卦象云雷雨作解

君子以赦過宥罪解卦坎下震上震為雷坎為雨雷
動雨下而萬物解散故君子以此卦象而放赦有過

寬宥罪人也書稱眚災肆赦舜典文孔安國云眚過
災害肆緩也過而有害當緩赦之肆眚圍鄭襄九年

傳文也此諸言肆青者皆是放赦罪人蕩滌衆故除其瑕穢以新其心也必其國有大患非赦不解或上有嘉慶須布大恩如是乃行此事故釋例曰天有四時得以成歲雷霆以振之霜雪以齊之春陽以暖之雲雨以潤之然後能相育也天且弗違而况於人乎物不可終否故受之以同人同人者與人同也解天下之至結成天下之壘壘肆大青之謂也堯曰咨爾舜有罪不敢赦所以須待革命有時而用之非制所常故書之也杜唯言有時用之亦不知此時何以須赦穀梁傳曰肆大青爲嫌天子之葬也其意言文姜有罪不合以禮而葬若不赦不復書葬嫌天子許之明須赦而後得葬故爲赦也賈逵以文姜爲有罪故赦而後葬以說臣子也魯大赦國中罪過欲令文姜之過因是得除以葬文姜杜不明說要文姜出奔之日常稱夫人夫人之名未嘗有貶何須以赦除之此赦必不爲文姜但夫人以去年七月薨十一月則當合葬乃至此年正月經七月始葬如此遲緩必是國家有事須赦解之但不知其所由耳

癸丑葬我小君文姜無傳反哭成喪故稱小君

陳人殺其公子御寇宣公太子也陳人惡其殺太子

之名故不稱君父以國討公子告御音禦本亦作禦惡烏路反

宣公至子告正義曰傳言太子必是太子也僖

五年晉侯殺其世子申生稱君稱世子此不然者釋

例曰古者討殺其大夫各以罪狀宣告諸侯所以懲

不義重刑戮也晉侯使以殺太子申生之故來告衛

殺孔達傳載其辭辭雖有臨時之狀其告則常也然

則殺大夫公子當以罪狀告人此傳不說御寇之罪

則陳人不足以罪告而經書公子是惡殺

太子之名故不稱君父以國討公子告

夏五月夏五月正義曰釋例曰年之四時雖或無事必空書首月以紀時變以明歷數莊公獨

稱夏五月及經四時有不具者丘明無文皆闕繆也

秋七月丙申及齊高侯盟于防無傳高侯齊之貴卿

而與魯之微者盟齊桓謙接諸侯以崇霸業

冬公如齊納幣無傳公不使卿而親納幣非禮也母

喪未再期而圖昏二傳不見所譏左氏又無傳失禮

明故

○見賢通反又如字

宋公使華元來聘聘不應使卿故

公不至明故○正義曰釋例曰

傳但言聘共姬也使公孫壽來納幣應使卿故傳明言其得禮也是納幣當使卿公不使卿親納幣非禮也

也

傳二十二年春陳人殺其大子御寇傳稱大子以

實言陳公子完與顓孫奔齊公子完顓孫皆御寇

之黨

音顯 顯專

顯孫自齊來奔

註

不書非卿齊侯使敬仲

為卿

註

敬仲陳公子完辭曰羈旅之臣

註

羈寄也旅

客也幸若獲宥及於寬政

註

宥赦也赦其不閑於教

訓而免於罪戾弛於負擔

註

弛去離也

○弛失氏反 擔下暫反離

力智反

君之惠也所獲多矣敢辱高位以速官謗

註

敢

不敢也

○謗布浪反

請以死告

註

以死自誓詩云翹翹車

乘招我以弓豈不欲往畏我友朋

註

逸詩也翹翹遠

貌古者聘士以弓言雖貪顯命懼為朋友所譏責

○翹

祁堯反來 繩證反

使為工政

註

掌百工之官飲桓公酒樂

註

齊桓賢之故就其家會據主人之辭故言飲桓公酒

○飲於鳩反註同齊桓至公酒○正義曰春秋

樂音洛下註同世設享禮以召君者皆大臣

擯寵如衛公叔文子宋桓魋之徒始為之耳為之非

禮法也敬仲羈旅之臣且知禮者也必不召公臨已

知是桓公賢之自就其家會也據

敬仲為主人辭故言飲公酒耳公曰以火繼之辭

曰臣卜其晝未卜其夜不敢臣卜至不敢○正義

必卜之示戒慎也此桓公自就其家非敬仲發心請

享不得言將享必卜也蓋桓公告其往日乃卜之耳

言未卜其夜者詩云厭厭夜飲在宗載考鄭玄云考

成也夜飲之禮在宗室同姓則成於庶姓讓之則止

引此敬仲之事云此之謂不成

是言敬仲非齊同姓故不敢也君子曰酒以成禮不

繼以淫義也國夜淫為淫樂以君成禮弗納於淫仁

也初懿氏卜妻敬仲

懿氏陳大夫龜曰卜

○妻七
評反

龜曰卜○正義曰曲禮文也周禮大卜掌三兆之法一曰玉兆二曰瓦兆三曰原兆其經兆之體

皆百有二十其頌皆千有二百鄭玄云兆者灼龜發於火其形可占者其象似玉瓦原之壘鑄是用名之

焉原原田也頌為繇也每體十繇然則卜人所占之語古人謂之為繇其辭視兆而作出於臨時之占或

是舊辭或是新造猶如筮者引周易或別造辭卜之繇辭未必皆在其頌千有二百之中也此傳鳳凰于

飛下盡莫之與京襄十年傳稱衛卜禦寇姜氏問繇曰兆如山陵有夫出征而喪其雄哀九年傳稱晉趙

鞅卜救鄭遇水適火史龜曰是謂沈陽可以興兵利以伐姜不利子商三者皆是繇辭其辭並韻則繇辭

法當韻也郭璞撰自所卜事謂其妻占之曰吉
懿之辭林其辭皆韻習於古也

氏妻是謂鳳凰于飛和鳴鏘鏘

鏘雄曰鳳雌曰凰雄

雌俱飛相和而鳴鏘鏘然猶敬仲夫妻相隨適齊有

聲譽

○和如字又戶卧反註同鏘七羊反本又作將將

雄

曰至聲譽○正義曰釋鳥云鷗

鳳其雌皇郭璞云瑞應鳥說文云鳳神鳥也天老曰鳳之象也鴻前麤後蛇頸魚尾鶴頸鴛思龍文龜背燕頤雞喙五色備舉出於東方君子之國翱翔四海之外過崑崙飲砥柱濯羽弱水莫宿丹穴見則天下大安寧從鳥凡聲鳳飛則羣鳥從之以萬數故古文鳳作朋字山海經云丹穴之山有鳥焉其狀如鶴五采而文名曰鳳凰首文曰德翼文曰順背文曰義膺文曰仁腹文曰信是鳥也飲食則自歌自舞是說鳳凰之狀也鳳凰雌雄俱飛喻敬仲夫妻相隨鏘鏘鳴之聲故以喻有聲譽也

有媯之後將

育于姜

媯

陳姓姜齊姓五世其昌並于正卿八世

之後莫之與京

京

大也

○並于本或作並為誤

京

五世至與京○正義

曰五世其昌言其始昌盛也並于正卿位與卿並得
 為上大夫也莫之與京謂無與之比大言其位最高
 也五世八世當是卜兆之間有其象傳言其
 占之辭不言其知之意固非後學所得詳之

蔡出也



姊妹之子曰出



姊妹之子曰出○正義曰釋親云男子謂姊

姊妹之子為出言姊
 姊妹出嫁而生子也

故蔡人殺五父而立之

五父陳

佗也殺陳佗在桓六年

○佗人多反

生敬仲其少也周史

有以周易見陳侯者



周大史也

○少詩照反見如字又賢遍反大音

泰



周大史也○正義曰直言周史知是大史者周禮大史掌書昭二年傳稱韓宣子觀書於大

史氏此以周易見陳侯故知是大史也以周易見者
 自以知周易見陳侯言已明易能筮故陳侯使之筮

也
陳侯使筮之



著曰筮

○筮上制反又音尸



正義曰禮

禮

文也其揲著求卦之遇觀  坤下巽上觀 ○觀古亂反註

法則易繫辭具焉 皆之否  坤下乾上否觀六四爻變而為否 ○否備矣

反註  遇觀之否 ○正義曰此註坤下巽上觀坤下皆同  乾上否及六四爻變諸如此輩皆據周易之

文知之劉炫規過云觀之否者為觀卦之否爻屯之比者屯卦之比爻皆不取後卦之義今刪定以為不

然何者以閔元年畢萬筮仕遇屯之比云屯固比入僖十五年晉獻公筮嫁伯姬得歸妹之睽云士刲羊

亦無益歸妹上六爻辭又云歸妹睽孤寇張之弧睽之上九爻辭又云歸妹之睽猶無相也昭五年明夷

之謙云明夷于飛垂其翼又云謙不足飛不翔此之等類皆取前後二卦以占吉凶今人之筮亦皆如此

故賈服及杜並皆同焉劉炫苟異前儒好為別見以規杜氏非也沈云遇者不期而會之名筮者所得卦

之吉凶非有宿契逢遇而已故謂之遇劉炫云下體坤坤為地為眾上體巽巽為風為木互體為艮艮為

門闕地上有木而為門闕宮室之象宮室而可風化使天下之眾觀焉故謂之觀也下體坤坤為地上體乾乾為天天不下降地不上騰天地曰是謂觀國之不通其氣上下否塞故謂之否也

光利用賓于王 **䷓** 此周易觀卦六四爻辭易之為書

六爻皆有變象又有互體聖人隨其義而論之 ○爻戶爻

反此其代陳有國乎不在此其在異國非此其身在

其子孫 **䷓** 是謂至子孫 ○正義曰觀國之光利用賓于王二句周易文也此先云不在此其在

異國後云非此其身在異國者其在異國之下更欲演說其在後乎後云在異國者其在異國之下更欲演說異國是大嶽姜姓其言稍多且須以結末故進其在後乎於上先解之也庭實旅百以下方解利用賓于王則上句故曰觀國之下未須賓王之句而再言利用賓于王者蓋以觀國之光即是朝王之事直言觀

光於文不足故連言賓王但未解賓王之義故於下
更重解之傳稱引詩斷章則引易論事亦未必如本
此言觀國之光謂所為筮者觀他人有國之光榮也
此有國之人利用為賓客於王朝也其意言見其子
孫有國作賓於王家耳非其身也代陳有國言代陳
正適子孫有其國家陳滅此興是代之也○此周
至論之○正義曰易之為書揲著求爻重爻為卦爻
有七八九六其七八者六爻並皆不變卦下總為之
辭名之曰彖彖者才也總論一卦之才德若乾元亨
利貞之類皆是也其九六者當爻有變每爻別為其
龍勿用之類皆是也不變者聚而為彖其變者散而
為象計每於一卦當畫兩體但以此爻陰陽既同唯
變否有異且每爻異辭不可爻作二畫從上可知故
不畫二也傳之莖者指取易義不為論卦丘明不畫
卦也諸為註者皆言上體下體若其畫卦示人則當
不煩此註註亦不畫卦也今書有畫卦者當是後之
學者自恐不識私畫以備忘遂傳之耳每爻各有象

辭是六爻皆有變象二至四三至五兩體交互各成一卦先儒謂之互體聖人隨其義而論之或取互體言其取義

光遠而自他有耀者也

光遠而自他有耀者也 ○正義曰易稱無常也

觀國之光故解其光義言光在此處遠照於他物從他物之上而有明耀者也謂光能遠照於他物有明故下云照之

以天光是也 **坤土也巽風也乾天也風為天於土上**

山也 巽變為乾故曰風為天自二至四有艮象艮

為山 ○乾其於土上山也 ○正義曰六四之爻位然反 在坤上山坤為地山是地之高者居

於土上是為土上山也又巽變為乾六四變為九四從二至四互體有艮之象艮為山故言山也 **有**

山之材而照之以天光於是乎居土上 **山則材之**

所生上有乾下有坤故言居土上照之以天光故曰

觀國之光利用賓于王
四為諸侯變而之乾有國

朝王之象

山有山至王
正義曰山則材之所生
此人有山之材言其必大富也上天以

明臨下照之以天光言天子臨照之也於是乎又居
於土上既富矣而被天照又復居有土地是為國君
之象也易位四為諸侯變而為乾乾為天子是
有國朝王之象故曰觀國之光利用賓于王

庭實

旅百奉之以玉帛天地之美具焉故曰利用賓于王

艮為門庭乾為金玉坤為布帛諸侯朝王陳摯幣

之象旅陳也百言物備

○摯自至本
又作贊同

庭實至于王
○正義曰觀

禮侯氏執圭見王王受圭禮成乃出又入行享禮獻
國之所有此說行享禮也旅陳也庭之所實成有百
品言物備也奉之以玉帛謂執玉帛而致享禮被天
之照有地之材天子賜之土田國君獻國所有天地

之美備具焉朝王之儀畢足矣故曰利用賓于王○
 良為至物備○正義曰易說卦艮為門闕乾為金
 玉坤為布帛杜以門內有庭傳言庭實故改言良為
 門庭耳杜言諸侯朝王陳贄幣之象者謂陳之以行
 享禮也觀禮侯氏既見王乃云四享皆束帛加璧庭
 實唯罔所有鄭玄云四當為三大行人職曰諸侯廟
 中將備皆三享其禮差又無取於四也初享或用馬
 或用虎豹之皮其次享三牲魚腊邊豆之實龜也金
 也丹漆絲纊竹箭也其餘無常貨此物非一國所能
 有唯國所有分為三享皆以璧帛致之禮器云大饗
 其王事與三牲魚腊四海九州之美味也邊豆之薦
 四時之和氣也內金示和也束帛加璧尊德也龜為
 前列先知也金次之見情也丹漆絲纊竹箭與眾共
 財也其餘無常貨各以其國之所有則致遠物也郊
 特牲曰旅幣無方所以別土地之宜而節遠邇之期
 也龜為前列先知也以鍾次之以和居參之也虎豹
 之皮示服猛也束帛加璧往德也鄭玄觀禮之註所
 言出于彼也杜言贄幣即鄭所謂璧帛也此奉之以

玉帛執以致庭實耳其玉帛不入王也覲禮侯氏致享執玉致命王撫之而已不受之也又曰侯氏降授宰幣是庭實之幣皆庭受之唯馬受之於門外耳旅陳釋詁文也百者言其物備也

故曰其在後乎 **因** 觀文以傳占故言猶有觀非在

已之言故知在子孫 **亂** 反 **觀** 古 **因** 觀至子孫 **正**

觀文以傳占也觀者視他之辭此賓王之事若所為筮者身自當有則不應觀他此卦猶有觀焉觀非在

已之言其人觀他有 **風行而著於土** **風** 行而著於

服虔云巽在坤上故為著土也一曰巽為風復為水風吹木實落去更生他土而長育是為在異國 **故**

曰其在異國乎若在異國必姜姓也姜大嶽之後也

姜 姓之先為堯四嶽 **嶽** 音泰下音岳 **姜** 姓至

義曰周語稱堯命禹治水共之從孫四嶽佐之肸四嶽國命為侯伯賜姓曰姜氏曰有呂賈達云共共工也從孫同姓未嗣之孫四岳官名大岳也主四岳之祭焉然則以其主嶽之祀尊之故稱大也

則配天物莫能兩大陳衰此其昌乎

知當興於大嶽之後得大嶽之權則有配天之大功

故知陳必衰

○變而至必衰○正義曰六四爻變為九四與二共為艮象艮為山故知

與於山嶽之國姜姓大岳之後知其將育于姜地之
 高者莫過於山詩云崧高維嶽駿極于天言其大能
 至天故山嶽則配天也且乾在上艮在下亦是山嶽
 配天之象此人子孫養於大嶽之後官尊位貴得大
 嶽之權則其功德有配天之大然天子其功配天今
 縱得大嶽之權唯諸侯耳言配天者以其功大故甚
 言之物莫能兩大此有
 與兆故名陳必衰也

及陳之初亡也

○昭八年楚

滅陳陳桓子始大於齊桓子敬仲五世孫陳無字

國 桓子至無字正義曰史記田完世家完卒諡為敬仲仲生釋孟夷夷生潛孟莊莊生文子須無

文子生桓子無字是其後亡也**國** 哀十七年楚復滅

為敬仲五世孫也 陳○復扶成子得政成子陳常也敬仲八世孫陳

又反 完有禮於齊子孫世不忘德德協於卜故傳備言其

終始卜筮者聖人所以定猶豫決疑似因生義教者

也尚書洪範通龜筮以同卿士之數南蒯卜亂而遇

元吉惠伯答以忠信則可臧會卜僭遂獲其應丘明

故舉諸縣驗於行事者以示來世而君子志其善者

遠者他皆放此

○豫音預本亦作預蒯居恠反
僭子念反應應對之應縣音玄

成

子至放此○正義曰沈氏云世家桓子生武子啓及
僖子乞乞卒子常伐之是為田成子是於敬仲為七

世言八世者據其相代在位為八世也成子殺簡公
專齊政是莫之與大也成子生襄子磐磐生莊子白

白生大公和和遷齊康公於海上和立為齊侯和孫
威王稱王四世而秦滅之作傳之時完之子孫已盛

故傳備言其終始也世家云敬仲之如齊以陳字為
田氏左傳終始稱陳田必非敬仲所改未知何時改

耳左傳之初至此始有卜筮故杜於此通說之曲禮
曰卜筮者先聖王之所以使民決嫌疑定猶與也是

先王立之本意也因而生義教謂教人以行義行善
則德協於卜行惡則遇吉反凶必以行義乃可卜也

洪範曰汝則大有疑謀及乃心謀及卿士謀及庶人
謀及卜筮謀及卿士而以卜筮同之是通龜筮以同

卿士之數也南蒯卜為亂不信則不可臧會卜為僭
不信乃遂吉二事相反故特引之言卜筮應人行也

南蒯在昭十二年臧會在昭二十五年南蒯筮而言
卜者卜筮通言耳杜引洪範者欲明龜筮未必神靈
故云以同卿士之數言龜筮所見纔與卿士同耳又
引南蒯者明吉凶由行不由卜筮欲使人修德行不
可純信卜筮也又引臧會者吉凶亦由卜筮不可專
在於行欲使人敬龜筮也故丘明舉縣驗於行事者
以示來世修德行敬龜筮言驗於行事者南蒯則行
驗而龜筮不驗臧會則行不驗而龜筮驗言君子志
其善者遠者善者謂勸人修德行敬龜筮是也遠者
謂舉其大綱勸人爲善長久遠道非有臨時應驗此
遠者卽上善者指其事謂之善指其教謂之遠劉炫
云計春秋之時卜筮多矣丘明所載唯二十許事舉
其縣驗於行事者其不驗者不載之君子之
人當記其志之善者知之遠者他皆放此

春秋左傳註疏卷第十

莊二十三年
盡三十二年

晉杜氏註

唐孔穎達疏

經二十有三年春公至自齊無傳

祭叔來聘無傳穀梁以祭叔為祭公來聘魯天子內

臣不得外交故不言使不與其得使聘○祭側界反

疏穀梁至使聘○正義曰請言聘者皆言某侯使

某來聘此不言使左氏無傳故取穀梁為說穀梁

傳云其不言使何也天子之內臣也不正其外交故

不與使也然則言內臣不得外交必是畿內之國畿

弟此祭叔或是祭公之弟故以為為祭公來聘天子
 內臣不得外交諸侯故不言使不與其得使聘也魯
 受其聘行其禮故書聘耳二十五年陳女叔來聘嘉
 之故不名此無可嘉亦稱叔者杜意叔為名為字無
 以可知故
 不明言

夏公如齊觀社

齊

因祭社蒐軍實故公往觀之

齊

齊

因至觀之○正義曰魯語說此事云夫齊棄太公之
 法而觀民於社孔晁云聚民於社觀戎器也襄二十
 四年傳稱楚子使遠啓疆如齊齊社蒐軍實使客觀
 之知此亦然故公往觀之釋例曰凡公出朝聘奔喪
 會葬皆但書而不言其事此春秋之常然
 則喪葬常事故不書觀社非常事故特書
 公至自齊

無傳

荆人來聘

無傳

不書荆子使某來聘君臣同辭者蓋

楚之始通未成其禮

例曰楚之君臣最多混錯此

乃楚之初興未開周之典禮告命之禮自生同異楚

武王熊達始居江漢之間然猶未能自同列國故稱

荆敗蔡師荆人來聘從其所居之稱而總其君臣是

言楚之始通未成其禮之意言君臣同辭者此云荆

人來聘是臣來也僖二十一年楚人使宜申來獻

捷言使則是君也而經亦書楚人是君臣同辭

公及齊侯遇于穀

音谷 無傳

蕭叔朝公

音谷 無傳蕭附庸國叔名就穀朝公故不言來

凡在外朝則禮不得具嘉禮不野合

音谷 蕭附至野合○正義曰

無爵而稱朝知是附庸國也邾儀父貴之乃書字此

無所貴知叔為名也公羊傳曰其言朝公何公在外

也文連遇于穀是就穀朝公穀是齊地故不言來也

定十四年大蒐于比蒲邾子來會公比蒲魯地故言

來也穀梁傳曰朝於廟正也於外非正也是言在外
行朝則禮不得具定十年傳稱嘉樂不野合知嘉禮
亦不野合嘉禮謂善禮非五
禮之嘉也朝於五禮屬賓

秋丹桓宮楹

楹桓公廟也楹柱也

音盈

冬十有一月曹伯射姑卒

射無傳未同盟而赴以名射

示亦反
又音亦

十有二月甲寅公會齊侯盟于扈

扈無傳扈鄭地在滎

陽卷縣西北

扈音戶卷音權字林丘權
反章昭丘云反說文丘粉反

傳二十三年夏公如齊觀社非禮也曹劌諫曰不可

夫禮所以整民也故會以訓上下之則制財用之節

國 貢賦多少朝以正班爵之義帥長幼之序征伐以

討其不然 **國** 不然不用命 ○長丁 夫禮至不然 正義曰夫禮者

所以整理天下之民民謂毗庶貴賤者皆是也諸侯會聚所謀皆是尊王室修臣禮故會以訓上下之則以諸侯事天子訓在下事其君也於會必號令諸國出貢賦多少即是制財用之節度也禮使小國朝大國是朝以正班爵之等義也爵同則小國在下是帥長幼之次序也沈氏云爵同者據年之長幼故云帥長幼國大小也沈氏云爵同者據年之長幼故云帥長幼之序不朝不會則征討之故言征伐以討其不然

諸侯有王 **國** 從王事王有巡狩 **國** 省四方以大習之

國 大習會朝之禮非是君不舉矣君舉必書 **國** 書於

策書而不法後嗣何觀 **國** 晉桓莊之族偪 **國** 桓叔莊

伯之子孫彊盛偏迫公室

○偏彼力反

獻公患之士蔿曰

去富子則羣公子可謀也已

士蔿晉大夫富子二

族之富彊者

○蔿于委反去起呂反下同

公曰爾試其事士蔿與

羣公子謀譖富子而去之

以罪狀誣之同族惡其

富彊故士蔿得因而間之用其所親為譖則似信離

其骨肉則黨弱羣公子終所以見滅

○惡烏路反間間廁之間

秋丹桓宮之楹

經二十有四年春王三月刻桓宮桷

刻鏤也桷椽也

將迎夫人故為盛飾

○刻音克桷音角字林云齊魯謂椽為桷椽直專反

刻

鏤至盛飾。正義曰：釋器云：金謂之鏤，木謂之刻。刻木鏤金，其事相類，故以刻為鏤也。桷謂之榱，榱即榱也。穀梁傳曰：刻桷，非正也。夫人所以崇宗廟也，取非禮與非正而加之於宗廟以飾夫人，非正也。刻桓宮，桓丹桓宮，楹斥言桓宮，以惡莊也是言。丹楹刻桷，皆為將逆夫人，故為盛飾。

葬曹莊公無傳

夏公如齊逆女無傳親逆禮也。正義曰：公羊傳曰：何以書親逆禮也？親逆是正禮也。

有故得使卿逆亦無譏也。

秋公至自齊無傳八月丁丑夫人姜氏入哀姜也

公羊傳以為姜氏要公不與公俱入，蓋以孟任故丁

丑入而明日乃朝廟。要於遙反，任音。朝廟。正

義曰公羊傳曰其言入何難也其難奈何夫人不可
 使入與公有所約然後入唯言有所要不知要何事
 故云蓋以孟任故也明日戊寅大夫宗婦覲用幣夫
 人若未朝廟不得受臣覲禮知明日乃朝廟既朝乃
 見大夫宗婦杜言朝廟者為覲用幣發也書入不書
 至者釋例曰莊公顧割臂之盟宗寵孟任故即位二
 十三年乃娶元妃雖丹楹刻桷身自納幣而有孟任
 之嫌故與姜氏俱反而與入經所以不以至禮書也

戊寅大夫宗婦覲用幣

宗婦同姓大夫之婦禮小

君至大夫執贄以見明臣子之道莊公欲奢夸夫人

故使大夫宗婦同贄俱見

賢通反下同夸若瓜反

見

宗婦至俱見○正義曰襄二年葬齊姜傳稱齊侯

使諸姜宗婦來送葬諸姜是同姓之女知宗婦是同
 姓大夫之婦也禮小君至大夫執贄以見明臣子之
 道禮亦無此文士相見禮稱大夫始見於君執贄夫

人尊與君同臣始為臣有見君之禮明小君初至亦當有禮以見也且傳唯譏婦贄不宜用幣不言覲之為非知其禮當然也大夫當用羔鴈用幣亦為非禮也莊公欲奢夸夫人故使男女同贄惡其男女無別

且譏譜為失禮故書之

大水國無傳

冬戎侵曹國無傳

曹羈出奔陳國無傳羈蓋曹世子也先君既葬而不稱

爵者微弱不能自定曹人以名赴國○正義曰此事

左氏穀梁並無傳公羊以曹羈為曹大夫三諫不從而出奔杜以此經書曹羈出奔陳亦歸于曹與鄭忽出奔衛突歸于鄭其文相類故附彼為之說蓋為疑辭微弱不能自定曹人以名赴亦如鄭忽之出奔

赤歸于曹

無傳赤曹僖公也蓋為戎所納故曰歸

歸

釋赤曹至曰歸。正義曰史記曹世家與年表皆云

僖公名夷三家經傳有五而皆言赤杜以鄭突類之

知赤是曹君故以赤為僖公書有舛誤何必史記是

而杜說非也傳例曰諸侯納之曰歸以戎侵曹而赤

歸故云蓋為戎所納也賈逵以為羈是曹君赤是戎

之外孫故戎侵曹逐羈而立赤亦以意言之無所據

也

郭公

無傳蓋經闕誤也自曹羈以下公羊穀梁之說

既不了又不可通之於左氏故不采用

釋

蓋經至

義曰公羊穀梁並以赤歸于曹郭公連文為句言

郭公名赤失國而歸于曹是為說不了故不采用

傳二十四年春刻其桷皆非禮也

釋

并非丹楹故言

皆

說

并非丹楹故言皆○正義曰穀梁傳曰禮楹

黝楹黑色黹黃色又曰禮天子之桷斲之斲之加密

石焉諸侯之桷斲之斲之大夫斲之士斲本刻桷非

正也加密石註云以細石磨之晉語云天子之室斲

其椽而斲之加密石焉諸侯斲之大夫斲之士首之

言雖小異要知正禮楹不

丹桷不刻故云皆非禮也御孫諫曰臣聞之儉德之

共也侈惡之大也

說

御孫魯大夫

○御魚呂反本亦作禦侈曰紙反又

反戶氏先君有共德而君納諸大惡無乃不可乎

說

以

不丹楹刻桷為共○秋哀姜至公使宗婦覲用幣非

禮也

說

傳不言大夫唯舉非常

說

傳不至非常○正義曰士相見禮

云夫下大夫相見以鴈上大夫相見以羔如士相見之禮始見於君執贄鄭玄云士大夫一如彼禮文

大夫始見於君用羔鴈始見夫人亦當然然則大夫用幣亦非常而以大夫為常者禮孤執皮帛則諸侯之臣有執帛者矣大夫執帛唯上僭耳其帛猶是男子所執婦人執幣則全非常事御孫唯諫婦人不宜執幣丘明為諫發傳故唯舉非常也左傳諸為御孫諫者或言諫曰或不言諫意在載辭不為例也

曰男贄大者玉帛註公侯伯子男執玉諸侯世子附

庸孤卿執帛○贄真禮註公侯至執帛○正義曰周

執信圭伯執躬圭子執穀璧男執蒲璧是公侯伯子男皆執玉也典命職曰凡諸侯之適子誓於天子攝其若則下其君之禮一等未誓則以皮帛繼子男公之孤四命以皮帛賦小國之君是諸侯世子與孤卿執帛也附庸雖則無文而為一國之主來則謂之為朝未有爵命不合執玉明與世子同執帛也且哀七年傳稱禹合諸侯於塗山執玉帛者萬國附庸是國明執帛者附庸也鄭玄周禮註云皮帛者束帛而表

以皮爲之飾皮虎豹皮帛如今璧色繪也周禮以玉
作六瑞以禽作六贄則瑞贄有異而此傳玉帛同言
贄者鄭玄曲禮註云贄之言至也當謂執之見人以
表至誠也典瑞註云瑞節信也禮天子執冒以見諸
侯諸侯執圭璧以朝天子天子以冒冒之以爲信故
以瑞爲名皮帛以下無此合信之事故以贄爲名其
實皆以表至誠故傳通以贄言
之凡贄皆以爵不以名數也

小者禽鳥
卿執羔

大夫執鴈士執雉

卿執至執雉○正義曰周禮

羣而不失其類鴈取其候時而行雉取其守介而死
不失其節鷩取其不飛遷雞取其守時而動曲禮曰
飾羔鴈者以續言天子之臣飾羔鴈以布又畫以章
之諸侯之臣飾以布不畫之自雉以下無飾

以章

物也

章所執之物別貴賤

○別彼列反

女贄不過榛栗

棗脩以告虔也

○

榛小栗脩脯虔敬也皆取其名以

示敬

○榛側巾反脩鍛脯音乾曰曲禮云婦人之贊棋

榛脯脩棗栗鄭玄云婦人無外事見以羞物也棋榛

木名棋枳也有實今邳邾之東食之榛實似力而小

鄭又註周禮膳人云薄析曰脯捶之而施薑桂曰鍛

脩然則脩脯大同故以脩為脯也虔敬釋詁文皆取

其名以示敬者先儒以為栗取其戰栗也棗取其早

起也脩取其自脩也唯榛無說蓋以榛聲近虔取其

虔於事也今男女同贊是無別也男女之別國之大節也

而由夫人亂之無乃不可乎○晉士蔿又與羣公子

謀使殺游氏之二子國游氏二子亦桓莊之族士蔿

告晉侯曰可矣不過二年君必無患

經二十有五年春陳侯使女叔來聘國女叔陳卿女氏

叔字

○女音汝
陳大夫氏

夏五月癸丑衛侯朔卒

無傳惠公也書名十六年與

內大夫盟于幽

六月辛未朔日有食之鼓用牲于社

鼓伐鼓也用牲

以祭社傳例曰非常也

○書名誥云用牲于郊牛二

如此之類言用牲者皆用之以祭知此用牲以祭社

也鼓之所用必是伐之代理可見故不言伐鼓牲不

言用則牲無所施於文不足故言用牲傳稱正月之

朔慝未作日有食之於是乎用幣于社伐鼓于朝正

月謂周六月也此經雖書六月杜以長歷按之此是

七月七日用鼓非常月也鼓當于朝而此鼓于社非

其處也社應用幣而於社用牲非

所用也一舉而有三失故譏之

伯姬歸于杞無傳不書逆女逆者微

秋大水鼓用牲于社于門門國門也傳例曰亦非常

也國門國門也○正義曰祭法云天子立七祀諸侯立五祀其門皆曰國門知此門亦國門國門

謂城門也傳稱天災有幣無牲非日月之膏不鼓則鼓與牲二事皆失故譏之

冬公子友如陳無傳報女叔之聘諸魯出朝聘皆書

六如不果彼國必成其禮故不稱朝聘春秋之常也公

子友莊公之母弟稱公子者史策之通言母弟至親

異於他臣其相殺害則稱弟以示義至於嘉好之事

兄弟篤睦非例所興或稱弟或稱公子仍舊史之文

也母弟例在宣十七年

○好呼報

反傳同

○正義曰魯出

報女至七年

朝聘多有在道復者假令得到彼國尚不知受之以
否故皆書如如者往也直言往彼而已不果彼國必
成其禮故不稱朝聘為春秋之常也僖二十八年公
朝于王所朝訖乃書故即稱為朝此公子友莊公之
母弟也於莊世稱公子昭元年陳公子招陳哀公母
弟也於哀世稱公子故解之稱公子者史策之通言
也釋例曰庶弟不得稱弟而母弟獨稱公子秦伯之
弟鍼適晉女叔齊曰秦公子必歸此公子亦國之常
言得兩通之證也是言公子母弟得通言之意也釋
例又曰兄而害弟則稱弟以章兄罪弟又害兄則去
弟以罪弟身統論其義兄弟二人交相殺害各有曲
直存弟則示兄曲也是言其相殺害則稱弟以示義
也釋例又曰若夫朝聘盟會嘉好之事此乃兄弟之
篤睦非義例之所興故仍舊史之策或稱弟或稱公
子踐土之盟叔武不稱弟此其義也案經桓三年齊
侯使其弟年來聘十四年鄭伯使其弟語來盟成十

年衛侯之弟黑背帥師侵鄭彼皆稱弟季友陳招並稱公子俱無褒貶所稱不同知是史文之異不為義例仲尼無所見義故仍舊史耳

傳二十五年春陳女叔來聘始結陳好也嘉之故不

名註季友相魯原仲相陳二人有舊故女叔來聘季

友冬亦報聘嘉好接備卿以字為嘉則稱名其常也

○相魯息亮反下同

○夏六月辛未朔日有食之鼓用牲于社

非常也註

非常鼓之月長歷推之辛未實七月朔置

閏失所故致月錯註

非常至月錯○正義曰此及文十五年昭十七年皆書六月

朔日有食之昭十七年傳稱祝史請所用幣昭子許之平子禦之曰止也唯正月朔慝未作日有食之於

是乎有伐鼓用幣禮也其餘則否太史曰在此月也
經書六月而史言在此月則知傳言正月之朔慙未
作者謂此周之六月夏之四月也文十五年傳直說
天子諸侯鼓幣與禮不言非常知彼言六月直六月
也此亦六月而云非常下句始言唯正月之朔有用
幣伐鼓之禮明此經雖書六月實非六月故云非常
鼓之月長歷推此辛未爲七月之朔由置閏失所故
致月錯不應置閏而置閏誤使七月爲六月也釋例
曰莊二十五年經書六月辛未朔日有食之實是七
月朔非六月故傳云非常也唯正月之朔有用幣伐
鼓明此食非用幣伐鼓常月因變而起歷誤也文十
五年經文皆同而更復發傳曰非禮者明前傳欲以
審正陽之月後傳發例欲以明諸侯之禮此乃聖賢
之微旨而先儒所未喻也劉炫云知非五月朔者昭
二十四年五月日有食之傳云日過分而未至此日
是五月亦應云過分而未至也今言慙未作則是已
作之辭故知非五月案二十四年八月丁丑夫人姜
氏入從彼推之則六月辛未朔非有差錯杜云置閏

失所者以二十四年八月以前誤置一閏非是八月以來始錯也

唯正月之朔慝未

作

正月夏之四月周之六月謂正陽之月今書六

月而傳云唯者明此月非正陽月也慝陰氣

○正音政正月

建巳之月慝他

得反夏戶雅反

正月至陰氣○正義曰昭十七

月是謂孟夏知

正月是夏之

四月周之六月也詩云

正月繁霜鄭玄云夏之四月建巳純陽用事是謂正

月為正陽之月慝惡也人情愛陽而惡陰故謂

日有

陰為惡故曰慝陰氣也未作謂陰氣未起也

食之於是乎用幣于社伐鼓于朝

日食歷之常也

然食於正陽之月則諸侯用幣于社請救於上公伐

鼓于朝退而自責以明陰不宜侵陽臣不宜掩君以

示大義

說文

日食至大義。正義曰古之歷書十矣。漢興以來草創其術三統以為五月二十

三分月之二十而日月交會近世為歷者皆以為一百七十二日有餘而日一食是日食者歷之常也古

之聖王因事設戒夫以昭昭大明照臨下土忽爾殲亡俾晝作夜其為怪異莫斯之甚故立求神請救之

禮責躬罪已之法正陽之月陽氣尤甚於此尤甚之月而為弱陰所侵故尤忌之社是上公之神尊於諸

侯故用幣于社請救於上公伐鼓于朝退而自攻責也日食者月揜之也日者揚之精月者陰之精日若

道也月臣道也以明陰不宜侵陽臣不宜揜君以示大義也昭二十九年傳曰故有五行之官是謂五官

實列受氏姓封為上公祀為貴神社稷五祀是尊是奉故杜以社為上公之神。○秋大水鼓

用牲于社于門亦非常也

說文

失常禮凡天災有幣無

牲

天災日月食大水也祈請而已不用牲也

說文

災至牲也。○正義曰：傳言亦非常，亦上日食也。但日食之鼓非常，月伐鼓于社非常，禮大水用牲亦非常。禮俱是非常，故亦前也。傳既亦前，即發凡例知天災之言兼日食大水也。天之見異，所以譴告人君，欲令改過修善，非為求人飲食。既遇天災，隨時即告。唯當告請而已，是故有幣無牲。若乃亢旱歷時，霖雨不止，然後禱祀羣神，求弭災沴者，設禮以祭，祭必有牲。詩雲：漢之篇美宣王為旱禱，請自郊祖，宮無所不祭。云靡神不舉，靡愛斯牲，是其為旱禱祭皆用牲也。祭法曰：埋少牢於泰昭，祭時也。相近於坎壇，祭寒暑也。王宮祭日也。夜明祭月也。幽祭星也。雩祭水旱也。鄭玄云：凡此以下皆祭用少牢。寒暑不時，則或禳之，或祈之，是說祈禱之祭皆用牲。

非日月之青不鼓

青猶災也。月侵日為青陰陽逆順之事，賢聖所重，故特鼓之。

青 猶至鼓之。○正義曰：易稱是謂災，青書稱青。災肆赦是青災相類，故云青猶災也。月侵日為青。

○青所景反

陰犯陽為逆逆順之事賢聖所重故見其逆事而特
鼓之此據日食為說耳傳稱日月之眚日月並言則
月食亦有鼓周禮大僕職云凡軍旅田役贊王鼓救
日月亦如之是日食月食皆有鼓也穀梁傳曰天子
救日置五麾陳五兵五鼓諸侯置三麾陳三鼓
三兵大夫擊門士擊柝左氏雖無傳義或然也 ○晉
士蔿使羣公子盡殺游氏之族乃城聚而處之 註聚
笄邑 ○聚木 喻反 冬晉侯圍聚盡殺羣公子 註卒如士蔿
之計

經二十有六年春公伐戎 註無傳

夏公至自伐戎 註無傳

曹殺其大夫 註無傳不稱名非其罪例在文七年 註不

稱至七年○正義曰文七年傳稱書曰宋人殺其大夫不稱名衆也且言非其罪也是仲尼新意變例也

秋公會宋人齊人伐徐無傳宋序齊上主兵

冬十有二月癸亥朔日有食之無傳

傳二十六年春晉士蔦為大司空大司空卿官

大司空卿官○正義曰傳於比年以來說士蔦為獻公設計晉國以安今又言大司空明任以卿位也直言司空者是大夫即司空亞旅皆受一命之服是也晉自文公以後世為盟主征伐諸國卿以軍將為名司空非復卿官故文二年司空士穀非卿也雖則非卿職掌不異成十八年傳曰右行辛為司空使修士蔦之法是
○夏士蔦城絳以深其宮絳晉所都其典事同也
也今平陽絳邑縣○秋虢人侵晉冬虢人又侵晉

為傳明年晉將伐虢張本此年經傳各自言其事者
或經是直文或策書雖存而簡牘散落不究其本末

故傳不復申解但言傳事而已

○牘徒木反究音救復扶又反解居蟹反

疏

為傳至而已○正義曰此年傳不解經經傳各

傳說曹殺大夫宋齊伐徐或須說其所以此去丘明已遠或是簡牘散落不復能知故耳上二十年亦傳不解經彼經皆是直文故就此一說言下以明上

經二十有七年春公會杞伯姬于洮 **疏** 伯姬莊公女洮

魯地

○洮徒刀反 **疏** 伯姬莊公女○正義曰上二十五

是莊公女也會女非常故於此言女以辨之

夏六月會齊侯宋公陳侯鄭伯同盟于幽

秋公子友如陳葬原仲原仲陳大夫原是仲字也禮

臣既卒不名故稱字季友違禮會外大夫葬具見其

事亦所以知譏○見賢原仲至知譏○正義曰

夫沒矣則稱諡若字桓二年穀梁傳曰子既死父不
忍稱其名臣既死君不忍稱其名是禮臣卒不名陳

人不稱其名故
魯史亦書其字

冬杞伯姬來傳例曰歸寧

莒慶來逆叔姬無傳慶莒大夫叔姬莊公女卿自為

逆則稱字例在宣五年○為干
偽反

杞伯來朝

註

無傳杞稱伯者蓋為時王所黜

○黜勅律反

疏

註杞稱至所黜○正義曰桓二年杞侯來朝十二年公會杞侯莒子盟于曲池自爾以來不見經傳從此稱伯終於春秋故云蓋為時上所黜於時周王當桓莊僖惠不知何王黜之

公會齊侯于城濮

註

無傳城濮衛地將討衛也

○濮音卜

傳二十七年春公會杞伯姬于洮非事也

註

非諸侯

之事天子非展義不巡守

註

天子巡守所以宣布德

義諸侯非民事不舉卿非君命不越竟

○竟音境

○夏同

盟于幽陳鄭服也

註

二十二年陳亂而齊納敬仲二

十五年鄭文公之四年獲成於楚皆有二心於齊今

始服也

歸

二十至服也。正義曰：比年以來，陳鄭無不服之狀。此言其服，故註者原之。二十

一年鄭厲公卒二十五年是鄭文公之四年也。文十七年傳稱鄭子家與趙宣子書云：文公四年二月壬

戌為齊侵蔡亦獲成於楚是二十五年既與楚平故至此始服也。

○秋公子友如陳

葬原仲非禮也。原仲季友之舊也。○冬杞伯姬來歸

寧也

歸

寧問父母安否。凡諸侯之女歸寧曰來。出曰歸。歸不反之辭。夫人歸寧曰如某。出曰歸于某。

來歸

歸

歸不反之辭。夫人歸寧曰如某。出曰歸于某。

歸

凡諸侯至于某。正義曰：釋例曰：歸寧者，女子既嫁，有時而歸，問父母之寧否。父母沒則使卿歸問

兄弟也。出者謂犯七出而見絕者也。歸者有所往之稱。來者有所反之言。故嫁謂之歸而寧，謂之來見絕而出則以來歸為辭。來而不反也。如某者，非終安之稱。歸于某者，亦不反之辭。是解其文異之意也。此杞

伯姬寧也宣十六年鄭伯姬來歸出也文九年夫人姜氏如齊歸寧也魯之夫人無被出者文十八年夫人姜氏歸于齊雖子死自去歸而不反亦出之類故與出文同 ○晉侯將伐虢士薦

曰不可虢公驕若驟得勝於我必棄其民

養之無眾而後伐之欲禦我誰與夫禮樂慈愛戰所

畜也夫民讓事樂和愛親哀喪而後可用也

使民以義讓哀樂為本言不可力强

音洛強 夫禮至用也 ○正義曰禮樂慈愛謂國君

其丈反 教民民間有此四者畜聚此事然後可與

人戰故云戰所畜也士薦既言其目更以其義覆之

禮尚謙讓讓事謂禮也樂以和親樂和謂樂也慈謂

愛之深也愛親謂慈也愛極然後哀喪

喪謂愛也民間有此四事然後可以用戰

亟戰將饑

言 號不畜義讓而力戰

居 疑反又音機

○王使召伯廖賜齊侯命

召 召伯廖王卿士賜命為

侯伯

○召音邵

爵 知是王之卿士

召伯至侯伯

○正義曰召伯稱

也當在西都畿內釋例曰扶風雍縣東南有召亭也

春秋時召伯猶是召公之後西都既已賜秦則東都

別有召地不復知其所在僖二十八年傳稱王命尹

氏王子虎策命晉侯為侯伯則知此賜齊侯命者亦

賜命為侯伯也彼註云周禮九年傳曰凡侯伯救

之伯謂九州之長為二伯也僖元年傳曰凡侯伯救

事亦謂九州之長非州牧也言州長者兼見州牧之

事且請伐衛以其立子頹也

立 子頹在十九年

經二十有八年春王三月甲寅齊人伐衛衛人及齊人

戰衛人敗績註齊侯稱人者諱取賂而還以賤者告

不地者史失之註齊侯稱人者諱取賂而還以賤者告

告也詩美僖公之伐淮夷得其元龜象齒大賂南金

襄十一年傳稱首侯伐鄭受鄭之賂告于諸侯皆不

以為諱而此諱之者彼服罪致賂乃以得賂為榮此

舍罪受賂故以受之為恥會于稷舍宋督取郕鼎亦

此之類也戰皆書地此獨不地知是史失之也莊十

年公羊傳曰戰不言伐圍不言戰人不言圍滅不言

入書其重者左無此義而泓韓鞏邲令狐河曲鄆陵

城濮大棘彭衙長岸柏舉之屬皆書戰不書伐此書

伐又書戰襄十八年諸侯同圍齊言圍不言伐文十

五年晉卻缺伐蔡戊申入蔡書伐又書入丘明無文

杜不為說皆是從告而書史有詳畧無義例也此經

既言齊人伐衛不言齊及衛戰而言衛人及齊人戰

者公羊以為伐人者為客被伐者為主以主及客故

使衛人主齊尋案經傳令狐河曲大棘彭衙長岸泓

韓之屬皆以主及客也乾時升陞及鞏皆魯與人戰以魯為主城濮鄢陵與邲外楚而內晉也柏舉內蔡而外楚也被代為主或如公羊之說

夏四月丁未邾子瑣卒無傳未同盟而赴以名○瑣素果

反

秋荆伐鄭公會齊人宋人救鄭

冬築郟郟魯下邑傳例曰邑曰築○郟亡至曰築郟魯

○正義曰國都為上邑為下故云魯下邑成十八年築鹿圍傳曰書不時也此傳唯發城築之例不言時與不時者春秋重土功無備而興作者傳每事各言時與不時以別有所備禦如書早雩之別過雩也其有所畏懼而興作者唯一發而已襄十九年城西郭傳曰懼齊也是其事也此年大無麥禾時歲饑虛恐

或侵伐故築之以備難從
西邽之例故不發傳也

大無麥禾

書於冬者五穀畢入計食不足而後書也

國書於至書也○正義曰麥熟於夏禾成在秋而

而得無麥禾者服虔曰陰陽不和土氣不養故禾麥

不成也傳言饑而經不書者得齊之糴救民之急不

至於饑也傳言饑者指未糴
臧孫辰告糴于齊
臧

孫辰魯大夫臧文仲
○糴徒
臧孫至于齊○正義

告糴者將貨財告齊以買穀魯語云文仲以鬯圭與

玉磬如齊告糴曰不腆先君之敝器敢告滯積以紓
執事齊人歸其玉而與之糴公羊傳曰何以不稱使
以爲臧孫辰之私行也君子之爲國也必有三年之
委一年不熟告糴譏也穀梁亦然據經魯臣出使例
不言使何以當怪此也傳言告糴禮也必不得如二

傳之說服虔云不言如重穀急辭以其情急於糴故不言如齊告糴乞師則情緩於穀故云如楚乞師○

臧孫至文仲○正義曰世本孝公生僖伯彊彊生哀伯達達生伯氏鏘鏘生文仲辰辰是臧僖伯曾孫

傳二十八年春齊侯伐衛戰敗衛師數之以王命取

賂而還○晉獻公娶于賈無子**賈**姬姓國也烝於

齊姜**齊**姜武公妾承反烝之生秦穆夫人及太子申

生又娶二女於戎大戎狐姬生仲耳**大**戎唐叔子

孫別在戎狄者○重直龍反**大**戎至狄者○正義曰

伯行之子實生重耳又曰狐偃其舅也小戎子生夷吾**小**戎允姓之

戎子女也**晉**率陰戎伐潁王使辭於晉曰先王居

檇杙于四裔故允姓之姦居于瓜州知戎為允姓也
凡言子者通男女也知子謂女也二戎相對為大小
也
晉伐驪戎驪戎男女以驪姬
驪戎在京兆新豐

縣其君姬姓其爵男也納女於人曰女
○驪力知反女以昵據反

註曰歸生奚齊其娣生卓子驪姬嬖欲立其子賂外

嬖梁五與東關嬖五
姓梁名五在閨闈之外者東

關嬖五別在關塞者亦名五皆大夫為獻公所嬖幸

視聽外事
○卓勅角反閨音圭闈吐達反塞素代反
使言於公曰曲沃君

之宗也
曲沃桓叔所封先君宗廟所在蒲與二屈

君之疆也
蒲今平陽蒲子縣二屈今平陽北屈縣

或云二當為北

○屈求勿反一音居勿反疆居良反下同

不可以無主宗

邑無主則民不威疆場無主則啓戎心戎之生心民

慢其政國之患也若使天子主曲沃而重耳夷吾主

蒲與屈則可以威民而懼戎且旌君伐旌章也伐

功也

○場音亦

使俱曰狄之廣莫於晉為都晉之啓土不

亦宜乎

廣莫狄地之曠絕也即謂蒲子比屈也言

遣二公子出都之則晉方當大開土界獻公未決故

復使二五俱說此美

○復扶又反

晉侯說之夏使天子居

曲沃重耳居蒲城夷吾居屈羣公子皆鄙

鄙邊邑

鄙邊邑

鄙邊邑

○說音悅唯二姬之子在絳二五卒與驪姬譖羣公子而

立奚齊晉人謂之二五耦二耜相耦廣一尺共起

一伐言二人俱共墾傷晉室若此○譖責鳩反耜音似廣古曠反墾苦

狠反○楚令尹子元欲蠱文夫人文王夫人息媯也

子元文王弟蠱惑以淫事○蠱音古惑也蠱文夫人○正義曰昭元年傳

稱周易女惑男謂之蠱知蠱謂惑以淫事為館於其宮側而振萬焉振

動也萬舞也夫人聞之泣曰先君以是舞也習戎備

也今令尹不尋諸仇讐而於未亡人之側不亦異乎

尋用也婦人既寡自稱未亡人御人以告子元

御人夫人之侍人子元曰婦人不忘襲讐我反忘之

秋子元以車六百乘伐鄭入于桔秩之門桔秩鄭

遠郊之門也

○乘繩證反桔戶結反秩侍結反

正義曰此已入一

門矣又云入自純門又是入一門矣復言縣門不發

則更有一門矣不發是城門則知純門外郭門桔秩遠郊門也尚書費誓序云子元鬪御疆闞梧耿之不東郊弗開是郊有門也

比爲旆子元自與三子特建旆以居前緇廣充幅

長尋曰旆繼旆曰旆

○御魚呂反本亦作禦下註反禦同疆其良反又居良反梧音

吾比并里反旆蒲貝行之次旆最在先故宣十二年傳稱令尹南轅反旆是旆居前而殿在後也釋文

云緇廣充幅長尋曰旆繼旆曰旆郭璞云旆帛全幅

長八尺旆帛續
旄末為燕尾者

鬪班王孫游王孫喜殿

註

三子在後

為反禦

○殿丁見反

眾車入自純門及達市

註

純門鄭外

郭門也達市郭內道上市

○純如字達求龜反

縣門不發楚言

而出子元曰鄭有人焉

註

縣門施於內城門鄭示楚

以閒暇故不閉城門出兵而效楚言故子元畏之不

敢進

○縣音玄註同

諸侯救鄭楚師夜遁鄭人將奔桐丘

註

許昌縣東北有桐丘城

○遁徒困反

謀告曰楚幕有烏乃

止

註 謀間也幕帳也

○謀音牒幕音莫問問廁之間

○冬饑臧孫辰

告糴于齊禮也

註

經書大無麥禾傳言饑傳又先書

饑在築郿上者說始糴經在下須得糴嫌或諱饑故

曰禮○築郿非都也凡邑有宗廟先君之主曰都無

曰邑邑曰築都曰城周禮四縣為都四井為邑然

宗廟所在則雖邑曰都尊之也言凡邑則他築非例

邑周禮至非例○正義曰周禮小司徒職云九夫

縣為都註引此者以證都大邑小耳經傳之言都邑

者非是都則四縣邑皆四井此傳所發乃為小邑發

例大者皆名都都則悉書曰城小邑有宗廟則雖小

曰都無乃為邑邑則曰築都則曰城為尊宗廟故小

邑與大都同名釋例曰若邑有先君宗廟雖小曰都

尊其所居而大之也然則都而無廟固宜稱城城漆

是也而潁氏唯繫於有先君之廟患漆本非魯邑因

說曰漆有邾之舊廟是使魯人尊邾之廢廟與先君

同非經傳義也又解傳言凡邑則主為邑言則他築
非例也若築臺築園築王姬之館則皆稱為築無大
小之異

經二十有九年春新延廢國傳例曰書不時言新者皆

舊物不可用更造之辭

○廢居
○傳例至之辭○
○正義曰馬之所處

謂之廢延是廢之名各之曰延其義不可知也公羊
傳曰新延廢者何修舊也謂舊廢做壞不可因而補

治故言新為更造之辭也傳言新作延廢而經無作
字僖二十年新作南門定二年新作雉門及兩觀皆

言新作而此獨無作是作傳之後轉寫闕文也釋例
曰言新意所起言作以興事通謂興起功役之事也

總而言之不復分別因舊而與造新也經書延廢稱
新而不言作傳言新作延廢書不時也此稱經文而

以不時為饑義不在作也然尋傳足以知經闕作字
也而劉賈云言新有故本言作有新木延廢不書作

所用之木非公命也凡諸興造固當有新固當有因
今為春秋微義直記別此門此觀有新木故木既已
鄙近且材木者立廢之具也公命立廢則眾用皆隨
之矣焉有所用之木非公命也此為匠人受命立廢
而盜共其用
豈然乎哉

夏鄭人侵許傳例曰無鍾鼓曰侵

秋有蜚傳例為災
○悲扶味反

冬十有二月紀叔姬卒無傳紀國雖滅叔姬執節守

義故繫之紀賢而錄之

城諸及防諸防皆魯邑傳例曰書時也諸非備難而

興作傳皆重云時以釋之他皆放此諸今城陽縣難

乃旦反重

直用反

國

城諸及防○正義曰此言城諸及防文十二年城諸及鄆定十四年城莒父及

齊襄十年傳晉師城梧及制同時城二邑者皆言及穀梁傳曰以大及小也何休云諸君邑防臣邑言及

別君臣之義賈逵云言及先後之辭杜不為註先後之辭是也

傳二十九年春新作延廡書不時也

國

經無作字蓋

闕凡馬日中而出日中而入

國

日中春秋分也治廢

當以秋分因馬向入而修之今以春作故曰不時

向○

許亮反本

或作嚮

國

日中至不時○正義曰中者謂日之長短與夜中分故春秋二節謂之春分

秋分也釋例曰春秋分而晝夜等謂之日中凡馬春分百草始繁則牧於坳野秋分農功始藏水寒草枯

則皆還廡此周典之制也今春而作廡已失民務又違馬節故曰書不時也

○夏鄭人侵

許凡師有鐘鼓曰伐音聲其罪無曰侵音鐘鼓無聲

輕曰襲音

掩其不備

政反

音

凡師至曰襲音○正義曰釋例曰侵伐襲者

師旅討罪之名也鳴鐘鼓以聲其過曰伐寢鐘鼓以入其竟曰侵掩其不備曰襲此所以別興師用兵之狀也然則春秋之世兵加於人唯此三名擊鼓斬木俱名爲伐鳴鐘鼓聲其罪往討伐之若擊鼓斬木然侵者加陵之意寢其鐘鼓潛入其竟往侵陵之襲者重衣之名倍道輕行掩其不備忽然而至若被衣然立此三名制討罪之等級也周禮大司馬掌九伐之法賊賢害民則伐之負固不服則侵之天子討罪無掩襲之事唯侵伐二名名與禮合而禮更有七名馮弱犯寡則誥之暴內凌外則壇之野荒民散則削之賊殺其親則正之放弑其君則殘之犯令陵政則社之內外亂鳥獸行則滅之彼謂王者行兵此據當時實事時無其事則傳不爲例音○秋有蜚爲災也凡物其滅與入爲例故不列於此

不爲災不書○冬十二月城諸及防書時也凡土功

龍見而畢務戒事也謂今九月周十一月龍星角

亢晨見東方三務始畢戒民以土功事

○見賢遍反註下皆同亢

苦浪反

凡

凡土至畢務○正義曰釋例曰都邑者人

又音剛之聚也國家之藩衛百姓之保障不固則

敗不修則壞故雖不臨寇必於農隙備其守禦無妨

民務傳曰龍見而畢務戒事也謂夏之九月周之十

一月龍星角亢晨見東方於是納其禾稼三務始畢

而戒民以土功事也火見而致用大火星次角亢而

晨見於是致其用也水昏正而裁謂夏之十月定星

春火流

卷之二十三

及古圖

若當時有急則不拘此制畢者竟也畢務謂農務竟而民間也日至而畢謂土功竟也冬至之後當更修來年農事不得復興土功也○**謂今至功事**○正義曰今之九月則季秋也月令季秋之月日在房漢書律歷志論星之度數云角十二亢九氐十五自角之初至房初三十六度晨謂夜之將旦於晨之時日體在房故角亢見在東方也東方之宿盡為龍星角即蒼龍角也故角亢專得龍名戒謂令語之也春夏秋三時之務始畢民將閒暇故預**火見而致用**大令語民將有土功之事使自備也

火心星次角亢見者致築作之物

火見而致用大火至之物

年傳曰心為大火星度心五尾十八月令孟冬之月日在尾自心初至於尾末二十三度十月之初心星次角亢之後而晨見東方也致築作之物謂**水皆正**板幹畚楬諸是城之所用皆致之於作所也

而栽

謂今十月定星昏而中於是樹板幹而興作

○栽字林才代反一音再說
文云築牆長板定多佞反
義謂今至興作○正

北方之宿為水星言水昏正者夜之初昏水星有正
中者耳非北方七宿皆正中也詩云定之方中作十

楚宮釋天云營室謂之定孫炎云定正也天下作宮
室者皆以營室為正周語云營室之中土功其始是

定星昏而正為土功之大候故知水昏正謂十月定
星昏而正中時也鄭玄詩箋云定星昏中而正謂小

雪時小雪十月之中氣月令仲冬之月昏東壁中室
十六度日行一度是十月半而室中十一月初而壁

中禮記中庸云栽者培之栽者樹立之語故知樹板
榦而起首興作也釋詁云榦榦榦也舍人曰榦正也

築牆所立兩木也榦所以當牆之兩邊鄭土者也然
則榦在牆之兩端樹立之即榦是也榦則在兩邊鄭

土即板是也板榦既異而
云樹板榦者因類連言耳
日至而畢
日南至微陽

始動故土功息○**樊皮叛王**
樊皮周大夫樊其采

地皮名

經三十年春王正月

夏次于成

註

無傳將甲師少故直言次齊將降鄆故設

備

○將甲子匠反降戶江反

註

將甲至設備○正

下文註同鄆音章下同
稱人人謂大夫身也太大夫甲名氏不見故稱人他國
可言某人曾事不得自稱魯人故魯之大夫使出者
皆言其所為之事而已此大夫帥師而次于成故直
言次也穀梁傳曰次止也有畏也欲救鄆而不能是
為降鄆故
設備也

秋七月齊人降鄆

註

無傳鄆紀附庸國東平無鹽縣東

北有鄆城小國孤危不能自固蓋齊遙以兵威脅使

降附

紀 鄆紀之遺邑也釋例曰劉賈依二傳以為鄆

紀之遺邑計紀侯去國至此二十七年紀侯猶不堪齊而去則邑不得獨存此蓋附庸小國若鄆鄆者也
是言鄆為附庸之意不言鄆降于齊而云齊人降鄆又不言侵伐故云蓋以兵威脅使降附

八月癸亥葬紀叔姬 **無傳**以賢錄也無臣子故不作

諡

九月庚午朔日有食之鼓用牲于社 **無傳**

冬公及齊侯遇于魯濟 **濟水歷齊魯界在齊界為齊**

濟在魯界為魯濟蓋魯地

○濟子禮反

濟

○正義曰釋例

曰濟水自滎陽卷縣東經陳留至濟陰北經高平東平至濟北東北經濟南至樂安博昌縣入海案高平

東平魯西界也濟南樂安齊竟內也指入城案齊平言魯濟故疑魯地遇于魯地濟水之邊

齊人伐山戎 **國** 山戎北狄

傳三十年春王命虢公討樊皮夏四月丙辰虢公入

樊執樊仲皮歸于京師 **國** 楚公子元歸自伐鄭而處

王宮 **國** 欲遂蠱文夫人鬪射師諫則執而梏之 **國** 射

師鬪廉也足曰桎手曰梏 **國** 射師亦反又食夜反梏若毒反桎之實反

國 射師至曰梏 **國** 正義曰杜此註與譜並以射師與鬪廉為一人不知何據也服虔云射師若教于鬪班

也射師被梏不言舍之何以得殺子元也知射師與班必非一人也杜譜以為鬪射師若教于鬪班若教

孫周禮掌囚上罪梏拳而桎中罪桎梏下罪梏梏拳異文拳施於手知梏亦手也鄭玄亦云在手曰梏存

足曰楛是先儒同此說也易大畜六四童牛之楛牛云楛者牛雖無手謂楛前足也 ○秋申公

鬪班殺子元申楚縣楚僭號縣尹皆稱公 ○僭子

鬪穀於菟為令尹自毀其家以紓楚國之難鬪穀

於菟令尹子文也毀滅紓緩也○穀奴走反楚人謂

同於音烏菟音徒紓音舒一音直汝反難乃旦反下註同 ○冬遇于魯濟謀山戎

也以其病燕故也齊桓行霸故欲為燕謀難燕國

今薊縣○為于偽反薊音計

經三十有一年春築臺于郎無傳刺奢且非土功之

時○刺七賜反

夏四月薛伯卒無傳未同盟

築臺于薛無傳薛魯地

六月齊侯來獻戎捷傳例曰諸侯不相遺俘捷獲也

獻奉上之辭齊侯以獻捷禮來故書以示過捷在

唯季反傳傳例至示過正義曰捷勝也戰勝

同俘音孚而有獲獻其獲故以捷為獲也釋例曰

歸者遺也獻者自下奉上之稱遺者敵體相與之辭

傳曰諸侯不相遺俘齊侯楚人失辭稱獻失禮遺俘

故因其來辭見自卑也以其大卑故書以示過此經

言獻捷傳言遺俘則是獻捷獻囚俘也襄八年邢丘

之會傳稱鄭伯獻捷于會又曰獲司馬變獻于邢丘

是獻俘謂之捷也襄二十五年鄭公孫舍之帥師入

陳傳稱司空致地司徒致民是不以俘囚歸也亦不

子產獻捷于晉然則無囚而獻其功空有器物亦稱

捷也

秋築臺于秦無傳東平范縣西北有秦亭

冬不雨無傳不書旱不為災例在僖三年不責公不

傳三十一年夏六月齊侯來獻戎捷非禮也凡諸侯

有四夷之功則獻于王王以警于夷以警懼夷狄

○警音景懼戒懼也中國則否諸侯不相遺俘雖夷狄俘猶

不以相遺

經三十有二年春城小穀小穀齊邑濟北穀城縣城

中有管仲井大都以名通者則不繫國○正

○正

義曰傳稱為管仲知是齊邑管仲所食采邑也吳滅州來晉滅下陽如此之類皆不繫國知大都以名通者則不繫國也華亥向寧入于宋南里以叛南里非大都不得以名通故繫之宋耳賈逵云不繫齊者世其祿然則彼不繫者豈皆世其祿乎

夏宋公齊侯遇于梁丘齊善宋之請見故進其班梁

丘在高平昌邑縣西南

秋七月癸巳公子牙卒牙慶父同母弟僖叔也飲醢

而死不以罪告故得書卒書日者公有疾不責公不

與小斂醢音鴆本亦作鴆與音預斂力艷反

八月癸亥公薨于路寢路寢正寢也公薨皆書其所

詳凶變

○路寢至凶變○正義曰公羊傳曰路寢者何正寢也喪大記曰男子不死於婦人

之手婦人不死於男子之手君夫人卒於路寢鄭玄云言死必於正處也是薨于路寢得其正也言詳凶

變者釋例云詳內事謹凶變

冬十月己未子般卒**○**子般莊公太子先君未葬故不

稱爵不言殺諱之也

○般音班殺音弑一音如字下同

○子般至諱之也**○**

正義曰傳稱公疾問後於叔牙若已有太子則不應須問當問之時似未有太子也季友以死奉般酖殺

叔牙蓋於爾時始命為太子公薨而般立知其為太子也子惡之死也直書子卒不書名此子般及子野

皆書名者釋例曰公子惡魯之正適嗣位免喪則魯君也襄仲倚齊而弑之國以為諱故不稱君若言君

之子也及子般子野或見殺或不勝喪言罪則不足成貶為孝而滅性故直畧而書卒也又曰未成君而

卒若君未葬則嗣子書名在喪之禮也既喪則嗣君諒闇羣臣復吉免喪則成君也文公既葬襄仲殺惡及視書曰子卒與未成君同文所以為諱也如杜此言未葬之前生則直稱為子死則書曰子某卒猶外諸侯生稱其爵死書其名以為禮之常也既葬則嗣子成君以禮而卒當稱公薨全成君也子惡父既葬魯人諱其弑不得稱君其實已葬不得從子般子野未葬之例故書子卒而不稱名以示似未成君其實已成為君上不得同閔公下不得同般野故直書為子繫之於父若言君之子也公羊以為君存稱世子君薨稱子某既葬稱子踰年稱公據子般子野卒似欲當然但左氏稱宋桓公卒未葬而襄公會諸侯故曰子即發例曰凡在喪公侯曰子是未葬稱子傳之明文不得如公羊說也

公子慶父如齊

無傳慶父既殺子般季友出奔國人

不與故懼而適齊欲以求援時無君假赴告之禮而

行

狄伐邢

註

無傳邢國在廣平襄國縣

疏

狄伐邢註無傳
○正義曰明年

有傳而言無者明年自為管仲之言發
端耳非說此年伐邢之事故言無傳

傳三十二年春城小穀為管仲也

註

公感齊桓之德

故為管仲城私邑

註 ○為于偽反
註及下同

○齊侯為楚伐鄭之

故請會于諸侯

註

楚伐鄭在二十八年謀為鄭報楚

宋公請先見于齊侯夏遇于梁丘

註 ○見賢遍
反又如字

○秋七

月有神降于莘

註

有神聲以接人莘號地

疏 ○莘所
中反

疏

註 有神至號地 ○正義曰易稱神也者妙萬物而為
言者也雖復鬼神之神亦無形象可見今言神降則

人皆聞知故知有神謂有神聲以接人也吳孫權時
 有神自稱王表言語與人無異而形不可見今此神
 降于莘蓋亦王表之類神者氣也當在人上今下接
 人故稱降也國語說此事稱內史過對王云昔昭王
 娶於房曰房后實有爽德協於丹朱丹朱馮身以儀
 之生穆王焉若由是觀之其丹朱之神乎下說神居
 莘而虢公請土內史過往惠王問諸內史過曰是何
 聞虢請命知莘是虢地

故也國內史過周大夫禾反對曰國之將興明神

降之監其德也將亡神又降之觀其惡也故有得神

以興亦有以亡虞夏商周皆有之國亦有神異本又監

作鑑古虞夏商周皆有之○正義曰國語內史過
暫反曰夏之興也祝融降於崇山其亡也向祿
 常於黔隧商之興也禱杭次於丕山其亡也夷羊在
 牧周之興也鸞鸞鳴於岐山其衰也杜伯射宣王於

鎬是夏商周之所有也其虞則國語不言焉未知其
所謂也服虔云虞舜祖考來格鳳皇來儀百獸率舞
案虞書夔說舜樂所致非神降也必其傳會尚書
以為得神以興則虞舜得神以亡者又安在也

曰若之何對曰以其物享焉其至之日亦其物也

享祭也若以甲乙日至祭先脾玉用蒼服上青以此

類祭之

○脾婢支反

禮

享祭至祭之○正義曰此降莘之神非祀典所載神必須祭故內

史述令以其物享之其物不知所謂更以至日釋之謂此神初降之可以其至日之物也月令春其日甲

乙夏其日丙丁中央土其日戊己秋其日庚辛冬其日壬癸所用之物月令具有其文註引甲乙所用舉

一隅也丙丁日至祭用肺玉服皆赤也戊己日至祭用心玉服皆黃也庚辛日至祭用肝玉服皆白也壬

癸日至祭用腎玉服皆玄也

王從之內史過往聞虢請命

禮

聞虢

請於神求賜土田之命反曰虢必亡矣虐而聽於神

神居莘六月正義曰國語稱惠王十五年神降于莘年表惠王五年是

魯莊公之十八年則此年惠王十五年也上云七月降神則今年七月降也居莘六月虢公使祝史享焉

則今年十二月也內史過往已聞虢請命則過至虢亦十二月也傳先說王事使了後論虢事以終內史

之言故文倒耳虢公使祝應宗區史囂享焉神賜之土田

祝大祝宗宗人史太史應區囂皆名區丘于反囂五巾反大祝音

同泰下史囂曰虢其亡乎吾聞之國將興聽於民政

順民心將亡聽於神求福於神神聰明正直而壹

者也依人而行唯德是與虢多涼德其何土之能

得

涼薄也為僖二年晉滅下陽傳

音良**得**神聰至能得

正義曰國語曰耳目心之樞機也故必聽和而視正聽和則聰視正則明然則所謂聰明者不聽淫辭不視邪人之謂也襄七年傳曰正直為正正曲為直言正者能自正直者能正入曲而壹者言其一心不二意也依人而行謂善則就之惡則去之號多薄德神所不依其何土之能得言賜之土田必虛妄也若神所不依則不應賜土而言神賜之土田者神厭其人不告以實猶晉獻公筮以驅姬為夫人亦云吉耳

○初公築臺臨黨氏

闕黨氏魯大夫築臺不書不告

廟

音黨

見孟任從之闕

闕

孟任黨氏女闕不從公

音闕

闕

音從從之闕○正義曰服虔云從之言欲與通也

而以夫人言許之

許

以為夫人割臂盟公生子般焉雩講于梁氏女公子

觀之國雩祭天也講肄也梁氏魯大夫女公子子般

妹○肄音四國雩祭至肄也○正義曰魯以周公

四年傳曰臣以為肄業及國人犖自牆外與之戲國

圉人掌養馬者以慢言戲之○犖音洛國圉人掌

正義曰周禮圉人掌養馬芻牧之○養馬者子般怒使鞭之公

曰不如殺之是不可鞭犖有力焉能投蓋于稷門國

蓋覆也稷門魯南城門走而自投接其屋之牖反覆

門上○覆芳國蓋覆至門上○正義曰稷門為魯

蓋者謂自投其身以蓋物故以為走而自投反覆門

上劉炫規過云公言犖有力焉如杜此說勁捷耳非

有力也當謂投車蓋過於稷門今知不然者周禮車蓋以物帛爲之輕而帆風非可投之物且傳直云投蓋于稷門不云過稷門明知自投反覆稷門之上今時猶然且游楚超乘而出女曰子南夫也則勁捷之人亦是勇力之事劉君以公疾問後於叔牙對曰慶勁捷非力而規杜氏非也

父材 **國** 蓋欲進其同母兄問於季友對曰臣以死奉

般 **國** 季友莊公母弟故欲立般公曰鄉者牙曰慶父

材成季使以君命命僖叔待于鍼巫氏 **國** 成季季友

也鍼巫氏魯大夫 **國** 使鍼季酖之 **國** 酖鳥

名其羽有毒以畫酒飲之則死 **國** 酖鳥至則

說文云酖毒鳥也一名運日廣雅云鳩鳥雄曰運日雌曰陰諧廣志云鳩鳥形似鷹大如鷄毛黑喙長七

八寸黃赤如金食蛇及椽實常居高山巔晉語諸公
讚云鳩鳥食蝮以羽翮灑酒水中飲之則殺人舊制
 鳩不得渡江有重法石崇為南中郎得鳩以與王愷
 養之大如鵝喙長尺餘純食蛇虺司隸傅祗於愷家
 得此鳥奏之宣示百官燒於都街是說鳩 曰飲此則
鳥之狀也以其因酒毒入故字或為醜

有後於魯國不然死且無後飲之歸及達泉而卒立

叔孫氏國達泉魯地不以罪誅故得立後世其祿○

八月癸亥公薨于路寢子般即位次于黨氏國鞠喪

位次舍也○冬十月己未共仲使圉人犂賊子般子

黨氏國共仲慶父○共成季奔陳國出奔不書國亂

史失之也閔公國閔公莊公庶子於是年八歲○閔亡謹

反○閔公至八歲○正義曰傳稱閔公哀姜之娣
適俱行當以二十五年○哀姜以二十四年八月始入娣必與
年生子故云八歲

諸暨圖書館
ZHUJI LIBRARY

羊全于效云八
 國期許當以二十
 妹姜少子夏姜以二
 閔公至入齊○五
 日軒解閔公夏姜之

諸
 圖
 書
 館
 ZHUJI LIBRARY



諸暨圖書館
— ZHUJI LIBRARY —



諸暨圖書館
— ZHUJI LIBRARY —